

BIBLIOTEKA

Zakł. Nar. im. Ossolińskich

XVII

5.056

Neq. H.

Ex libris Casimiri
nomen Poillatoni. Dilectissimi

m3 kot do gra 8
Munh par 3

XLVI. F. 10.

1824

Ms. h. 18

h. 15

De Interceptione. Summaeque. Quid. nro. Despu
ra. et. Sempit. Virgines. et. Haec. Agnum. p. fac
ut. sine. Condemnatione. accipiam. immacu
latam. tuam. Donam. in. remissionem. cuius. p. lica
torum. in. vitam. a. p. h. a. n. s. Ita. S. Chrysostomus
in. h. a. liturgia. ante. Elevationem. Eucharistiae
Virgines. ceteri. implorat. ut. digne. in
gratiam. h. a. p. a. m. n. a. t. a. crederet. in. q. u. a.
dam. oratione. recitanda. p. scribit.

606681

IVGVM GRAVE
SVPER OMNES FILIOS
A D A M.

ESS. Patrum verbis for-
matum.

AD



PERILLVSTREM ET REVER-
RENDISSIMVM DOMINVM,

D. BONAVENTVRAM

DE NIEDZIELSKO
M A D A L I N S K I.

Præpositum Vladislaviensem,
Gnesnensem, Varšaviensem, Canonicum.
Præpositum Petricoviensem.
Supremum thesauri Regni Poloniae, & Ca-
mere S. R. M. Notarium.

P E R 17.611

R. P. ADALBERTVM TYLKOWSKI
Societatis IESV Theologum.

CRACOVIAE, Apud Stanislaum Piotr-
kowczyk, S. R. M. Typographum.

Percussit Sexcentos viros (*hostiū*)
vomere & ipse quoq; defendit
Isràél. *Judic. 3. 31.*

SPLENDESCIT.




A S A N I

*Quo Ceres haud pridem, iam gaudet vomere
Maiores*

*Quando MADALINAM contigit ille manum.
Hunc etiā Pallas mallet quam Gorgona ferre:
Præripit ast calum; tu mea prata colas.
Aureos à fructu vomer! ferrum & tile! terram
Tu non tam nost' scindere, quam serere.*

XVII-5056-I.



PERILLVSTRIS
ET

REVERENDISSIME DOMINE.



*Onseci Iugum. Sed quid
illud nisi iungatur Vo-
meri? permitte, coniun-
gam Tuo Gentilitio. Be-
nè, ut spero, conveniet illis. Iugū hoc
venerandā præferebat antiquitatē. Vo-
mer Vester à Piasti adhuc Coniuge, &
Polonie Principe assumptus in Vestra
consanguinea Domo asservatur. Iugū,
Patrum SS. dictis formatum: Vestri
Vomeris sanctis & fortibus relucet
factis. quod ego verbis illorum doceo,
Tu cum Maioribus Tuis factis expres-
sisti. Imò præcedis & ipsum rapis Te-
cum Iugum: dam faciendo, fieri posse
ostendis, ad quæ faciendā trahit meū
Iugum. Videmus priscū inter Aulica
negotia candorem. videmus inter di-
gnitates, quorum una Te alteri præ-
ripit,*

D E D I C A T I O.

ripit, ac priusquam habere possit, de-
 stinat, quàm profunde Tui descendant
 Vomeres, cùm illud identidē eruant.
 LAUS DEO, MIHI CONFUSIO, cùm
 claritatē generis ac Honorum NVGAS
 appellas. dum amore Modestiae, Tua
 gesta ita sepelis; ut solo se prodant fru-
 ctu; eoq; uberrimo ac multiplici,
 quantum Vomer hic Ecclesiae & Deo
 apud Te operetur. VI Tuum in prae-
 sens latendi studium tegit, ita olim
 pandet amplissimè, tempus. Martia
 Tuorum arma, in tela pietatis verti-
 sti: gloriam bellicam, in cali trophaea.
 Inuenère Tui Maio: et in quo se nobis
 exhibeant: non obscuras sed perficis
 eorum laudē bellicam, dum in sacram
 mutas. Septimum currit saeculū, ex
 quò illi castra Patria Bellatoribus re-
 plendi: Sextum, ex quo Regioni Vie-
 lunensi pro omnibus dignitatibus ac
 Officijs Terrestrib⁹ idoneos submini-
 strandi, consuetudinē nūsq̃a interrū-
 perunt.

D E D I C A T I O.

perunt. Sed vetera, quæ & libros im-
 plent, & ut sublata ex oculis, non ita
 afficiunt, mitto. Solos Tuos profero
 Illustres Patruos & Patruelos, nostra
 memoria. Alexander Iudex Vielā-
 nensis quā sapientiā ac iustitiā nitue-
 rit? comitia quæ sapius Nunciū, Tri-
 bunalia quæ illum arbitriū laudāvunt,
 testata. Iacobi Tribuni Mscislavien.
 memoria ipsa facit elogium, Martem
 loquitur, Heroem loquitur. Is legionis
 Præfekt⁹ saepe totos M. D. Lithuanie
 Exercitus pro Duce rexit. Smolen-
 scum fame & præsidij inopiā Moscho
 inclinatum, industriā, animis, alimo-
 niā, ausibus magnis, retinuit. Sed fa-
 cta viri nō hāc breui pagellā excipi de-
 cet leget alia qui liberationē Smolensci
 per Vladisl. IV. evolverit. qui Rex
 tantā ornaturus virtutē eius loci Pa-
 latinatū cōtulit, sed mors priusquā
 recepisset, Iacobū abstulit. Par laudi
 Martia morū probitas. Legitur hæc

D E D I C A T I O.

in Domicilio Fratribus de Monte Carmelo, erecto ac copiosè dotato. Ioannes quantus; cuius ore duo Primi Regni nostri Principes Primatesq; loqui voluerunt? cui Abbatia Landensis Administrationē perpetuā Vladislaus IV. Rex, cui Theodosiensem Insulam, ac Gnesnensem Suffraganeatū Regni Primas, ut meritissimo cū Summorum Pontificum Laude, contulerunt. Sed quantus ille in odijs precipuè componendis, in laboribus Ecclesie, in Pastoralis Officio, Maior tota Polonia testata, quæ eum totius Coronæ Polonicæ Suffraganeum vocitabat! Adalbertus Tribunus Vielunē. quantus Dominoforisq; in Pace & Bello? nemo ignorat. Sed à Patris ad Patrueles venio. Alexandri Filij sunt Alexander Succammerarius Vielunē. Iacobus Equestris militiæ sub Vladislao IV. Magister, qui ea gessit, quæ locuplete in Seueriensī Ducatu remuneratione digna

gna

D E D I C A T I O.

gna visa sunt Principi. Sed ut hic globum tormenti bellici pede excipit: Ita Frater eius Nicolaus Pincerna Vielunensis sub Zborow pro Patria gloriosam toto pectore mortem. Non potest illaudatus memorari Stanislaus Subdapifer eiusdem Terræ. Parè gloria meritis Martinus Capitaneus Præmisliensis, amor & delicia Nobilitatis, cuius impleuerat ac panè possederat corda animosq̃: Adalberti superstitēs viuunt, viuantq̃. Sigismundus proles Parente dignissima Notarius Terræ Vielunensis, & Sebastianus in nullo degener, Surrogator Ostrzeszouiensis: ambo cuiusq̃ fortunæ capaces, cuiq̃ labori pro Patria pares. Sed ad Te iam Perillustreis Prælate redeo, & precor. Socientur feliciter Tui Vomeres iugo meo, ut ex illis prodeant abundè, fruct⁹ beatæ æternitatis: quib⁹ Euangelici Patriæ familias horrea compleantur, Te

D E D I C A T I O.

ximo sanore, meo solatio. Iugum formavi inter meos labores Philosophicor, ut pro instituto meo dum inter literas conor, in Auditoribus diuinum ignem accendere, me ipsum prius illo primauo sinceroq, Patrum ardore inflammârim. Tu admitte inter Tua publica ac plurima negotia, atq, curis fatigatus, ex dictis Patrum cape solatia. Graue sit illud Filijs, qui sunt tantum Adæ, sed Tibi nato ex Deo per virtutes, fiet suave Iugum Christi. Operabitur gratia Tecum, cum qua Tu es non segnis Tui colonus. Ego ut Tibi eternitatē voveo, in qua olim Tuorum Vomerum gaudebis melle: ita, ut quàm diutissimè Tuos percipiat Ecclesia & Patria labores precor.

Varsaviae in Collegio Societ. Jesv
1668. Nou. 1.

PER III VSTRIS AC REVERENDIS-
SIMÆ DOMINATIONIS TVÆ.

Studiosissimus

ALBERTVS TYLKOWSKI S. I.

C A P V T I.

GRAVE IUGVM
S V P E R
S Æ C V L A R E S.

I. Quia salus illorum in
lubrico.



*G*nouit hoc Sanctus Cypria-
nus cū dixit, Lubrica
spes est quæ inter to-
menta peccati saluari se

sperat. Incerta est victoria inter
hostilia arma pugnare, & im-
possibilis liberatio est, flammis
circumdari nec ardere. Atqui
iuxta Euangelium quidquid in mun-
do est, concupiscentia carnis, concu-
piscencia oculorum, superbia vite,
aut est vita, aut oculorum superbia,
aut concupiscentia carnis; adeoq; totus
est in maligno mundus.

2. In laqueos incidunt diaboli.

Et cum in saeculo, qui est verè in saeculo, nemo sit, quin cupiat fieri diues, qui verò diuites fieri volunt incidunt in laqueos diaboli iuxta S. Paulum. Et quia cupientes fieri diuites, sunt diuites coram Deo, de illis currit illud Matth. 19. Amen dico vobis, quia diues difficile intrabit in regnum cælorum: & iterum dico vobis, facilius est camelum per foramen acûs transire, quàm diuitem intrare in Regnum cælorum. Hinc S. Greg. 4. Moral. 3. dixit. Rarum valdè est ut qui aurum possident ad requiem tendant. Et fortassè huc respexit Cosmas quando Scriptori Prati Spiritualis dixit: Quid potest læcularis homo virtutis adipisci?

3. In medio malorum viuunt.

Quantum deinde periculum salutis eterna subeant Saculares ex occasione eorum cum quibus viuunt, expressit S. Bern. serm 3. de Circumc. Nam in mundo. Alij venenatis^r persuasionibus, alij vndique exemplis peioribus ad peccatum alliciunt, alij adulationibus in vanam gloriam, alij detractionibus in impatientiam deiiciunt. Iam verò dixit S. Hieronymus. Procliuius est imitatio malorum, & quorum Virtutes assequi nequeas, citò imitatis vitia. Osee 4. de mundo dictum. Non est veritas, non est misericordia, non est scientia Dei in terra, maledictum, & mendacium & furtum, & adulterium inundauerunt, & sanguis sanguinem tetigit. Vnde S.

4 *Graue Iugum*

Aug. in Psal. 141. Scito quòd in medio laqueorum pertransis. S. Paulinus epist. 2. Tota huius mundi figura diabolicis prætentata est retibus. S. Ambr. in Luc. 4. Multi laquei quacunq; ingredimur, ac tandem concludit S. August. H. 38. in Ioan. Si delectat te mundus, semper vis esse immundus, quem delectat habitare Sodomis, non euadet incendium; quem, inter Ægyptios, non euadet seruitutem, ipsi Viri Religiosi si multum Secularibus immisceantur, in periculum salutis veniunt, quid verò ipsi saculares. deplorat hoc B. Lauren. Iustinianus de perfect: Monast. cap. 22. O quot temporibus nostris fuerunt, qui tanquam ardentes lampades, & mundi luminaria lucebant coram hominibus, paulatim ex conuersatione Sæcularium tepesacti, ad pristina opera sæcularis vitæ miser-

ferabiliter redierunt. *addit ibid:*
Qui cum dyſcolis conuerſati vo-
luerit, procul dubio fiet eorum
ſimilis. *Quocirca arguit S. Chry-
ſoſt. Orat. 2. de Prouidentia.* Si pe-
ſtilentem locum & contagionis
plenum videris, conſuetudinem
illius loci fugis, quamuis ſexcen-
ties ad domicilium illud traha-
ris, & corporis valetudinem cæ-
teris omnibus rebus anteponis?
vbi verò opinionibus peſtilentibus
quidam complentur, ac æ-
gritudinibus, quæ non modò
corpus corrumpunt, ſed ani-
mam quoque perimunt ac dete-
riorem vilioſioremque reddunt, non
omnino referre te? & tamen teſſe
S. Baſilio hom. 9. Sicut in peſti-
lentibus locis ſenſim attractus
aër, latentem corporis morbum
inijcit, ſic in praua conſuetudine
ac conuerſatione, maxima no-

6 *Graue Iugum*

bis mala hauriuntur., etiamsi non statim incommodum sentiatur.

4. Aliquando pro suis meritis in hac vita recipiunt mercedem.

Dicitur id Diuiti: Recepisti bona in vita tua, & quenam? induebatur b sso & purpurâ, epulabatur splendide. Solutum tibi per honores, famam & eiusmodi, in altera vita mera manserunt pœna.

5. A domesticis habent salutis periculum.

Inimici hominis domestici eius. ait Scriptura, concedendum sæpè ijs ne offendas, deferenda ea quæ sunt Dei, imò ijsse Deus: ne te illi deferant: auaritiæ studendum, ut illi habeant lautè; salus negligenda, ut placeas. S. Chrysost. hom. 57. ad pop.

Patrem discipulus sepelire voluit, nec id Christus permisit, quid ita? quoniam acer inflat diabolus, ut se in animum insinuet.

6. Rarò habent animæ Directorem.

Iam verò cum vita nostra sit militia, in qua pugnandum cum Infernali exercitu, Duce spirituali omnino egemus, ut expressit S. Ioannes Climacus gr. 4. Qui sine Patris Spiritualis auxilio contra spiritus nequam pugnare nititur, ab illis occiditur. at secularis homo quandonam & quoties illum Ducem habet! militandum tamen est. Notandum quod de bonis etiam operibus, docet Sanctus Bernard. serm. 3. de S. Andrea. Si quod sine licentia Patris Spiritualis fit, vanæ gloriæ deputabitur non mercedi. Imò S. Basilii serm. de abdic.

re.

rerum, asserit: Quidquid eo in-
sciente facis, id tutum & sacri-
legium est, ubique exitium, non
utilitatem ullam apportat, esto
id tuum bonum iudices.

7. Ex Vanitate habent no-
 xam, cui ferè coguntur
 servire.

Iam quid de Vestitu ipso, quid de
cultura corporis, risu, & amantati-
bz mundi noxe attrahant Saculares:
audiant quid de asepata Torquato,
alloquendo iudicem, dixerit S. Ti-
burtius Mart r: Credisne Vir Il-
lustrissime hunc esse Christia-
num, qui in suo lenocinio mol-
endo, capitis fimbrias admittit,
qui conforem diligit, qui scapu-
lis molliter gestit, qui fluxum
gressum improbo nixu disten-
dit, qui foeminas curiosius intue-
tur? nunquid tales pestes digna-
cus

tus est Christus habere seruos suos? & licet communem vestitum Christiani cum Gentilibus deferant ab illis tamen quādam modestiā distinguere debent, ut olim Minutius Felix in Octauio dixit. Nos non notaculo corporis, sed innocentiae, ac modestiae signo facile distinguimur. *E. Antiochus homil. 95.* Ridere solutiū, neuiquam illis permissum est, qui sunt germani Christiani.

8. Et ipsi ad magnam Sanctimoniam obligantur.

Sanctus Chrysost: hom. 24. in acta.

Nescis Christiane quod cum Angelis stas; cum illis cantas, cum illis hymnos dicis; & stas ridēs? & non esset mirum, si fulmen demitteretur non solum in illos, sed etiam in nos. digna enim fulmine sunt hæc, Adelt Rex, &

inspectat Exercitus *Angelicus*, &
 tu in illorum conspectu stas ac
 rides, vel ridentem, negligis?
 nonne ut damnolos, ut fures, ut
 corruptos, & perniciosos, tales;
 & innumeris malis plenos ab
 Ecclesia exigi oportebat? non
 fufficit nobis quod ipsâ mente
 sumus ignavi, nec quod orantes
 aliò euagamur, sed etiam risum
 afferimus? unde testificor vobis
 qui sancti estis, quod iudicium
 vobis erit ac condemnatio, si
 quis videns inordinate viuente-
 tem, maxime illo tempore, Sa-
 crificij scilicet, non admonuerit,
 nec corripuerit: hoc est plus
 quam orasse, dimittite preces &
 illum corripe, ita & illi proderis,
 & tu lucrum habebis. *Tanti facit*
hic Pater minimum Christiani Secu-
laris defectum. Sed neq, aliter sensit
B. Petrus Damiani s. epist. 2. Cùm
 Veri-

Veritas dicat, vae vobis qui ride-
tis, quoniam flebitis: quid in-
tremendo iudicio dicturi sunt,
qui non solum ipsi rident, sed n-
super scurrilia proferentes, ri-
sum audientibus violenter ex-
torquent. *Omniſus dictum.* Estote
perfecti, sicut Pater vester..
S. Ambr: ſerm: 20. in 1^a ſalm. 118.
Qui Euangelij præcepta audit
& non facit, negat Christum;
etſi verbo fateatur, moribus ne-
gat. *Bern. ſerm. in Cantic.* Non
erit vnquam Spiritui Dei pars
cum mundi vanitate, cum Ve-
ritatis ſit Spiritus. *S. Macarius di-*
xit. Si quis ſeipſum dedat curis
vel ambitionibus, aut dignitati-
bus, humanoſque curet hono-
res, & hæc inquirat, animaſque
eius cogitationibus terrenis per-
miſceatur & confundatur, aut
aliqui rei ad hoc ſæculum perti-
nen-

nenti sic deuinctus, desideretque eiusmodi anima transilire, vitare, atque expellere affectionum turbas, in quibus tenetur a potestatibus iniquis, minimè potest: proptereaque diligit & facit voluntatem Tenebrarum. *in saeculo verò quotus est qui non in his, aut horum periculo existat? at verò Eccl. 3. dicitur. Qui amat periculum peribit in illo.*

9. Obligantur ad mundum odio habendum.

Difficulter homines in saeculo constituti & illud praeceptum implere possunt, Nolite diligere mundum: & tamen verum est, quod dixit S. Greg. lib. 2. in 1. Reg. cap. 1. Nisi Saeculum amare desistimus, Deo per amorem viuere non valeamus. Istis dictum est, Luc: 21. Attendite ne corda vestra gra-
uen-

uentur in crapula, aut curis huius vitæ, ut legit idem S. Pastor p. r. cap, 7. ne fortè superueniat in vos repentina dies illa: tanquã laqueus enim superueniet in omnes, qui sedent super faciem, omnis terræ. & 2. Tim. 2. dictum. Nemo militans Deo implicat se Sæcularibus negotijs. itaq; qui implicat se eiusmodi negotijs, Deo non militat: nemo verò coronabitur, nisi qui legitimè certauerit. 10. Discrimen habent tam à bono quàm à malo, successu.

Iam non succedant negotia Sæcularia, quanta afflictio Spiritus, quanta ex tribulatione pericula? Succedant verò? fortè occinetur tibi Recepisti bona in vita tua? S, Greg hom. 4. in Euang. Ista Fratres mei Sententia pauore potius indi-

indiget, quàm expositione. Ecce, dum dicitur. Recepisti, indicatur & Diues iste aliquid boni habuisse, ex quo in hac vita reciperet. *Vtrumq; hoc Prou. 1. expressum.* Auersio populorum interficiet eos: & prosperitas stultorum perdet eos.

11. Mundus decipit.

Sed vtut Mundus egerit nobiscum; semper est infidus. S. Chrysost. tom. 2, hom 13. ita habet de illo. Multa nobis lœculli nē pollicetur non vt det sed vt accipiat, promittit plurima de rapinis; vt auferat regnum & iusticiam; thesauros pollicetur in terra, vt nobis cœlestium faciat iacturam: vult nos in hoc sæculo ditare, ne diuites simus in futuro.

12. Mundus multis afficit molestijs.

Si per Saculares,

rr

*Tertullianus ad Martyres, postquam
eos ingressos carcerem solutus est, ita
de Mundo loquitur Si cogitemus
ipsum mundum magis carcerem
esse, exiuisse vos è carcere quam
introisse in carcerem intelli-
gemus: maiores tenebras habet
mundus quæ hominum præcor-
dia excæcant: grauiores indu-
cit catenas, quæ ipsas animas
constringunt: peiores immun-
dicias expirat. et si autem ille nō sit
ex Sanctis maxima tamen est auctori-
tatis. Bern. autē serm. 1. de altit.
& Bass cordis. Quanto inquit pe-
cuniæ desiderio afficitur avarus,
quanto gloriæ appetitu ambicio-
sus exæstuat: quàm violenter
denique, quemque sua trahit vo-
luptas, quis explicet? Videas
certè eos quidquid adepti sunt
paruipendere, non attendere
quanto labore & desiderio eā*

R. H. Condonator. Biding

vix tandem consequi potuere: quoniam vilescunt eis omnia præ desiderio minoris fortè rei quam cœperint alteri inuidere. *Addit & B. Laur. Iustin. lib. de Obedien. c. 1.* Sibi ipsis minimè parcentes se exponunt periculis, se laboribus macerant, seque, quod est formidolosius, gehennæ faciunt filios; vt humanis attollantur honoribus, cœteros præcellant laudibus, momentaneis fruantur voluptatibus, atque terrenis ditescant opibus.

13. In Sæculo pauci Sancti.

Paucitatem Iustorum in Sæculo ita adnotat S. Macarius homil. 12. Ecce Mundus vniuersus obambulabat in terra & negotiatur, sed nihil cogitat quod Deo sit gratum, tanquam, si essent diuersoria & lupanaria; aut loca
fimi-

similia, in quibus multa in ordinatè & intemperanter committi solent.

14. Pauci saluantur.

Vnde S. Chrysoſt. è Sacularium, plurimis millibus vix aliquos ſaluari aſſeruit, ſic enim ſuum populum Antiochenum homil. 49. alloquitur. Quot eſſe putatis in ciuitate noſtra qui ſalui ſiant? inſeſtum quidem eſt quod dicturus ſum, dicam tamen. Non poſſunt in tot millibus centum inueniri qui ſaluentur, quin & de his dubito. Quanta enim in Iuuenibus, quaſo, malicia? quantus in Senibus torpor? Filij curam gerit nemo: imò zelum habet nemo, vt Senem reſpiciens imitetur: exemplaria deleta ſunt, propterea neque Iuuenes laudabiles euadunt. S. Aug: à Guil, Pepin ſerm. 2. in Dom.

Dom. Septuag. in hæc verba adducitur. Arbitror tres mundi partes fore damnandas, eò quòd in omnes regnet infidelitas, de quarta autem quid dicam? nisi quod 1. Ioan. 5. scribitur. Totus mundus in maligno positus est. *S. Antonius de Padua Dom. 3. Adu. in illud Isaia 19.* Mœrebunt Piscatores & lugebunt omnes in flumen mittentes hamum & expandentes rete super faciem aquarum emarcescent: confundentur omnes qui operantur linum plectentes & texentes subtilia. *ita concionatur.* Piscatores, sunt huius Mundi amatores, mittentes hamum, mercatores falsi. expandentes rete, sunt maledicti usurarii, operantur linum. Legistæ, Decretistæ, & Aduocati. Hi omnes in fine vitæ suæ, cum iam non poterunt villicare

lu.

lugebunt, quia diuitijs quas tam sollicitè acquisierunt, tam ardentè amauerunt, ita miserri-
mè denudantur: marcescent, quia eorum animæ à corpore egressæ dæmonibus tradentur æternaliter puniendæ.

15. Et pueri subiacent his periculis.

Quid de Pueris sentiendum docet S. Greg. lib. 4. Dialog: cap. 18. Et si omnes baptisatos Infantes, atq; in eadem Infantia morientes regnum cæleste ingredi credendum est: omnes tamen paruulos, qui scilicet iam loqui possunt, regna cælestia ingredi, credendum non est: quia nonnullis paruulis eiusdem regni cælestis aditus à Parentibus clauditur, si malè nutriantur. Et in exemplum adducit quinquennium pue-

puerum, quem daemones ad supplicia
rapuerunt.

C A P V T II.

GRAVE IUGVM SVPER ECCLESIASTICOS.

E Adem serè habent pericula Eccle-
siastici Viri, qui degunt extra
claustra, quæ Sæculares: neq; habent
remedia concupiscentiæ, uti laici in
Matrimonio, quod S. Cypr. de singul.
Cleric. his deplorauit. O quanti &
quales Episcopi & Clerici, simul
& laici post Confessionum, id est
post Martyria, victoriarumq; cal-
cata certamina, & signa, [id est
miracula] vel mirabilia vique-
quaque monstrata, noscuntur
cum his omnibus naufragasse,
cùm volunt in naui fragili nauig-
are. Quia iuxta asceticos Religio-
salem petunt per sentem, Clerici
sæculares naui, Laici natatu. Sed de-
tur.

tur, quòd etiã superent pericula à carne tamẽ non leuia illis alia imminent.

1. Quia reditus habent onerosos.

Testatur id S. Bern. ser. 23 in Cant.

Timeant Clerici, timeant Ministri Ecclesiæ, qui in terris Sanctorum, quas possident, tam iniqua gerunt, ut stipendijs quæ sufficere debebant, minimè contenti sint, superflua quibus egeni alerentur, impiè sacrilegequè sibi retineant: atque in vltus suæ superbix atque luxuriæ victum pauperum consumere minimè vereantur, duplici profectò iniquitate peccantes, quòd & aliena diripiunt, & sacris, in suis vanitatibus & turpitudinibus, abutantur. *Simillima ante S. Bernardum dixit S. Gregorius Magnus. Ex his credo duobus capitibus positis horribi*

ribilem format Sententiam ubi de
Curatis & indignitate constitutis lo-
quitur. S. Chr, sost hom. 3. in acta.
 Non arbitror inter Sacerdotes
 multos esse qui salui fiant, sed
 multo magis qui pereant, non
 tam proprijs peccatis, quàm alic-
 nis quæ non curauerunt.

2. Ad Magnam Sanctita- tem obligantur.

Quanta verò Sanctitatis rei sint,
docet idem lib. 3 de Sacerd. Necce-
 se est sic Sacerdotem esse purum,
 ut si in cælis ipsis collocatus in-
 ter coelestes illas Virtutes me-
 dius staret, imò tenentur quodam-
 modò B. Virginis, atq; ipsius Christi
 Domini Sanctitatem amulari: cum
 & ipsi Christum quodammodò pari-
 ant, & in persona Christi operentur.
inde S. Greg. Nazian orat. 1. n. 125.
dixit. Sacerdos est Deus, & alios
 est.

efficit Deos. quocirca monuit B.
Laur. Iustin. serm. de Corp. Christi.
Accedat Sacerdos ad altaris tri-
bunal vt Christus, assistat vt An-
gelus, ministret vt Sanctus, po-
pulorum offerat vota vt Ponti-
fex, interpellet pro pace vt Me-
diator, pro se autem exoret vt
homo. *S. Isid. Pelus. lib. 2. epist.*
206. Tantum interesse debet
inter Sacerdotem & quemlibet
probum virum quantum inter
cælum & terram discriminis est.
ad hanc verò sanctitatem vix maiora
habent adiumenta quàm laici, certè
eadem pericula, ex conuersatione, ex
administratione æconomia, ex vani-
tate, & ambitu & alijs, de quibus *S.*
Paulinus epist. de gazophylac. Vbi-
que prætentis laquei, vbi que stri-
cti sunt laquei: inter insidias &
pugnas vita transigitur, & per-
ignes doloso cineri suppositos
ambu-

ambulamus. ecce quàm facilis lapsus! sed & quàm grauis?

3. Peccata Sacerdotum grauiora.

S. Isidor. Pelus. lib. 2. epist. 121.
 Non est idem laicum peccare, quod Sacerdotem: id què ex lege perspicuè constat *Leuitic. 4.* Tantum enim ea, id est lex, pro Sacerdote peccante sacrificium offerri præcipit, quantum pro vniuersa plebe: Quòd si par esset peccatum, idem utique sacrificium minimè indixisset. Maius porrò peccatum efficitur, non ob naturam, sed ob perpetrantis dignitatem: & *lib. 2. epist. 208.* Consentaneum est, ut qui honore ac dignitate superiores sunt, hi quoque si peccent, grauioribus supplicijs mulcentur. *S. Salust lib. 4. de gubern.* Ex hoc ipso

ipso Sacerdotes deteriores sumus, si meliores non sumus qui meliores esse debemus. Cuiusmodi enim culpa est, ubi honestior status, honoratior est persona peccantis, peccati quoque maior invidia. Atrocius sub sancti nominis professione peccamus. Vbi sublimior est prerogativa, maior est culpa. Iam si Sacerdos est quoddam vas Dei sacrum, persona sacra, videtur quoduis peccatum aliquomodo de sacrilegio participare. S. Bernardi hic est Sensus. Nugæ in ore Sæcularis nugæ, in ore Sacerdotis blasphemix: confregisti ostium Euangelio talibus aperire illicitum, assuescere sacrilegum, itaq; si ipse nugæ sunt sacrilegia, quid tandem erunt alia graviora peccata? Videat itaq; Sacerdos an se non poterit, si peccauerit verbis S. Ambrosij sermo ad laps. in-

E

crepa-

crepare. Sacrilegium est vbi vas Christo oblatum, dedicatum Domino, dementi temeritate polluiti: memineras quid sit factum, *Dan. 5. Balthasari.* Quid de te arbitraris pariter perditum ac perditor, qui vas rationabile consecratum Christo, sanctificatum Spiritui S. impiè temerasti, polluiti sacrilegè? Melius fuerat omninò te natum non esse, quàm sic natum, vt te sibi gehenna proprium filium vendicaret.

4. Obligantur ad Exemplaritatem.

Exemplares adeò debent esse Sacerdotes, vt S. Basil. reg. 80. cap. 8. dixerit. Simus tanquam lux in mundo, vt & ipsi puri simus ab omni vicio, & eos qui ad nos accedunt illuminemus ad agnitionem

nem veritatis: *S. Cypr. de unit. Eccles.* quasi templum Dei conuersemur, ut Deum in nobis constet habitare. *S. Greg. hom 17 in Luc.* Debemus pensare quod à Domino Sanctis dicitur Apostolis, & per Apostolos nobis: Vos estis sal terræ. Si igitur sal sumus, condire mentes fidelium debemus, ut quisquis Sacerdoti iungitur, quasi è salis tactu, æternæ vitæ sapore condidatur.

5. Periculum imminet ne indignè ad Sacrificium accedant.

Iam verò quia Sacramentum Eucharistiae non solum ut Laici percipiunt, sed etiam conficiunt, duplò maius habent vinculum, ut dignè accedant: ad quod si indignè accesserint plùs quàm iudiciũ sibi manducabunt & bibent. S. Bonavent: apud S. An-

torin: tom. 1. sess. 50. a. 2. c. 5. monet:

Caue ne nimis tepidus, & inordinatus atq; incōsideratè accedas: quia indignè sumis; nisi accedas reuerenter, circumspicè, & consideratè, & vide ne propter tumorem, aut vanam gloriā, aut consuetudinem; aut alicuius mundanæ complacentiæ, aut temporalis fauoris; respectu, accedas: sicut multi diebus istis abutuntur ad sui perditionem. & in Breuiloq: p. 6. c. 9. qui tepidè & indeuotè, & incōsideratè accedit, iudicium sibi manducat & bibit. Quod verò officium sacrificantis attinet. S. Chrystost: homil. 83. in Matth: Quo non oportet esse puriorem, fruentem tali sacrificio? quo solari radio non splendidiorè manum, carnem hanc diudentem? os quod igni spirituali repletur? linguam, quæ tremendo nimis san-

sanguine rubescit? Quid putatis
 si aliquis, non dico obscena, sed pro-
 fana in sanctuarium veteris legis in-
 trasset quantoperè DEUS offendisset.
 atqui teste eodem Chrysostomi: ho-
 mi l: 30. in 2. Corin. Os illud sacrifi-
 cantis, ipso quoque propitiatorio
 augustius, atque terribilius est.
 quid si aliquis vase quod sordibus im-
 pletum fuit, & paulò antè, nec satis
 repurgatum, veliet sacram Hostiam
 excipere? quid si manus sanguine ma-
 nantes Domino pacis admovere? Quis
 scit, an lugeat Samuel quòd unxerit
 Saulem? Quis scit, an non feratur sen-
 tentia tanquam contra proditorem in-
 tingentem manum in paropside? uti
 hic libet verbis & Hieronymi ad Sa-
 binianum, licet paululum mutatis.
 Non times ne Christus de Hostia
 contra te clamet? ne puerpera
 Virgo te increpet? ne Mater Do-
 mini accuset? Quid sit verò dignè

ad hanc mensam accedere, innuit *S. Bern: serm: 3. in Psal: 90.* Quid est manducare eius carnem & bibere eius sanguinem, nisi communicare passionibus eius, & eam conuersationem imitari, quam gessit in carne? *S. Chrysost: homil: 24. in 1. Cor.* Qui ad hoc Corpus accedit, nihil ei cum terra commune esse debere. *S. Cyrillus Alex: lib. 2. Glaph: rorum in Exod.* Oportet eum qui semel cōmunicauit Christo, quasi incitato, ardentiq; animo, ad omnem virtutem contendere, & istam quæ in mundo est, abominabilem voluptatem, præterfugere. *S. August: serm: 1. de temp.* Mutet ergo vitam qui vult accipere vitam, nam si non commutet vitam, ad iudicium accipiet vitam: & hæc quidem de Laicis isti Patres sancti dixerunt: at verò de Sacerdotibus *B. Laurentius Iustin:*

Iustin: de discipl: & perfect c. 9. Alia
Sacerdotum, alia cæterorum de-
bet esse consideratio, & mentis
dispositio: excellentior quippe
gradus perfectionem exigit præ-
parationem. *Vnde S. Bern: serm:*
de tripl: custodia, dicit de se alijsq; Sa-
cerdotibus. Nobis ad immundi-
tiam, minima quævis inobedi-
tia *precepti diuini* sufficit: nec iam
næuus est, sed grauis macula, si
in actionibus nostris, vel mini-
morum residet negligentia man-
datorū. *& vnde hoc? explicat idem*
serm: 8. in Psal: Qui habitat. Deo
dicata membra, nullâ tibi teme-
ritate vsurpes, sciens quia pietati
sanctificata, non absq; graui sa-
cilegio in vñum vanitatis, curi-
ositatis, voluptatis, aut eiusmodi
sæcularis operis assumūtur. *Vnde*
idem lamentatur de Conuersione ad
Clericos cap: 17. Nemo magis irā

meretur quàm inimicus simulās
amicum: id est, *sacra persona po-
sita in peccatis.* Væ Ministris infi-
delibus qui nondum reconcilia-
ti, reconciliationis alienæ nego-
tia, quasi homines qui iustitiam
fecerint, apprehendunt. Væ filijs
iræ, qui se filios gerere profiten-
tur. Væ filijs iræ, qui pacificato-
rum sibi vsurpant gradus, & no-
men non veretur. Væ filijs iræ,
qui fideles sese Mediatores pacis,
vt peccata populi comedant, (*id
est Beneficia à Benefactoribus pro pec-
catis erecta,*) mentiuntur. Væ qui
ambulantes in carne, Deo place-
re non possunt; & placare velle
præsumunt. & cap: 29. Curritur
passim ad sacros Ordines, & re-
uerenda quoque ipsis Angelicis
Spiritus mysteria homines ap-
prehendunt, sine reuerentia, sine
consideratione. Neque enim si-
gaum

gnum regni occupare coelestis,
aut illius timent imperij gestare
coronam, in quibus auaricia re-
gnat, imperat ambitio, domina-
tur superbia, sedet iniquitas, lu-
xuria etiam principator. Ingre-
diuntur cum macula tabernacu-
lum Dei viuentis, inhabitant cum
macula templū sanctū Dei pol-
luentes, iudicium multiplex ac-
cepturi. Tales non modò non
placant Deum, sed etiā irritant,
dum videntur in cordibus suis
dicere: *Non requiet.* irruāt pla-
nè & infensum reddunt sibi, ve-
reor ne & his, quibus illum pro-
pitium reddere deberant. Etsi
sine dubio melius, saluari in hu-
mili gradu fidelis populi, quàm
in Cleri sublimitate, & deterius
vivere, & districtius iudicari.

6. Strictius iudicabuntur.

Districtius certè iudicari: nam dis-

facilius videntur misericordiam con-
sequi. Idem sanctus Pater ad illud
Isaia 26. Misereamur impio &c. ser-
monem 23. in Cantic. Non miserea-
mur in terra, ait Propheta, San-
ctorum iniqua gessit, & non vi-
debit gloriam Domini, terra San-
ctorum sunt Ecclesiastica beneficia. In
declamatione verò idem ait. Cler-
icus qui partem habet in terra,
non habebit in cœlo partem.
Clericus si aliquid habuerit præ-
ter Dominum, pars eius non e-
rit Dominus v. g. Si autem, si
posselliones, si variam supelle-
ctilem, cum istis pars eius fieri
non dignatur Dominus. & tan-
dem Cum cœperint resurgere
homines, vnusquisque in ordi-
ne suo, vbi putas ista, generatio
Clericorum locabitur? si ad mi-
lites fortè diuerterint, exsuffla-
bunt eos, qui minimè secum la-
bo-

bones aut pericula tolerârint. Sic agricolæ. Sic negotiatores; & singuli quique ordines hominû, à suis eos similiter arcebut finibus, ut potè qui in labore hominum non fuerint: quid igitur restat nisi ut quos omnis ordo repellit & accusat; cum sortiantur locum ubi nullus ordo, sed sempiternus honor inhabitat.

7. Quia etiam alienorum
peccatorum rei.

Rationem duri iudicij ex eodem S. Patre ibid. desumimus: ubi sic alloquitur Sacerdotem. Peccata populi comedis, ac si tua tibi non sufficere viderentur. Solicitus esto tanquam rationem redditurus pro eis, genitus fundere, dignos agere pœnitentiæ fructus. alioquin tibi ea noueris imputanda quæ modò inter delicias comedis

medis & paruipendis & dissimulas tanquam nihil attinētia tibi! O iudiciorū D & I abyssus multa! Ō terribilis D & V S in consilijs super filios hominum! Venient, venient ante tribunal Christi, audietur populorum querela grauis, accusatio durā, quorum vixē. e stipendijs, nec diluēre peccata, quib⁹ facti sunt Duces cæci, fraudulentī mediatores. Quid tibi insipiens? &c. *Similia dixit sanctus Gregor: 17. in Euangel.*

8. Non est qui pro eis oret.

Sed non min⁹ est grane quōd idem S. Greg. l. 2. in c. 1. Reg. c. 3. scripsit. Cū sacerdos in culpam labitur, superior persona non est cuius precibus expietur. Si aleuanuerit in quo salietur? quis orabit pro eo? quo profectū culpæ magis tūdo monstratur quia plerūq;
eorum

eorū (*adverte quid dicat*) à Domino in impœnitentis cordis caliginem projiciuntur, & nullâ hominis adhortatione resipiscunt : quare aptè subiungitur de Filijs Heli. Non audierunt vocē Patris sui, quia voluit eos Dominus occidere.

C A P V T III.

GRAVE IUGVM SUPER
PRÆLATOS IN ECCLESIA.

1. Quia difficulter saluantur.

TErribile est effatum Prælati in
Ecclesia S. Chrysost h. 34. in epist.
ad Hebr. Miror si potest saluari
aliquis Rectorum Ecclesiæ. hinc
tantoperè Sancti viri istas dignitates
& fugiebant & censeb. ut fugiendas.
Scribitur in schola ss. Patrum. fol.
174 Fuit sermo factus coram B.
Iordane Ordin. Prædie. de quo-
dam Patre viro probo, ac virtu-
tibus

tibus prædico, quòd Antistes iure optimo fieri debeat: ac vir Dei respondit. Mallem eum teretro mortuum sociare, quàm in cathedra videre Antistitem sedentem. *E quid ita? plura illi commissa, de pluribus reddenda: tot animas habent, quot oues.* S. Gregor. 1. p. p. 1. l. c. 5. Ex tantis proculdubio rei sunt, quantis, venientes in publicum prodesse potuerunt; nec profuerunt.

2. Magnâ sollicitudine subditos curare debent.

Quantum verò amorem & sollicitudinem debeant subditis, patet ex mandato Dei ad Moysen Num: 11. Porta eos in sinu tuo, sicut portare solet Nutrix infantulum, & defer in terram. Quid si fuerint discipuli? porta. quid si affecerint contumeliosi? porta. quomodo? sicut nutrix

nutrix infantulum: ita ut non
ille se, tibi, sed tu illi debeas te aptare.
iuxta 1. Thessal: 2. Facti sumus
paruuli in medio vestrum, tan-
quam si nutrix foueat filios suos,
non alienos.

25. Quia hæc cura eget ma-
gnâ patientiâ.

Hanc curam explicat & in S. Moy-
se ostendit S. Ambr: lib: 2. de offic:
cap: 7. Quantas Moyses à popu-
lo Dei illatas absorbebat contu-
melias! & cum Dominus in in-
solentes vindicare vellet, se ta-
men pro populo offerebat fre-
quenter, ut indignationi diuinæ
plebem subduceret. Quàm mihi
sermone post iniurias appella-
bat populum, solabatur in labo-
ribus, deliniebat oraculis, foue-
bat operibus, & quamuis cum
Deo constanter loqueretur, ho-
mines

mines tamen humili & grata appellatione affari solebat. Discite (*alloquitur Prælatos S. Bernar: sermone. 23. in Cant.:*) subditorū Ma-
 stes vos esse debere non Domi-
 nos. Sed ad Moysen redeamus, de
 illo S. Hieronym: *epist: ad Theophilū*
adu. error. lapidabatur à populo,
 & pro lapidantibus orabat. cau-
 sam, quare Prælati debeant tam du-
 ram sollicitudinem subditis, reddit
 S. Chrysost: *in epist: ad Galat.* Non
 enim propterea te Deus illis præ-
 fecit, ut malus acquiras obsequiū
 ac famulatum, sed ut neglectis
 rebus tuis, quidquid illorum est,
 citè dispensetur ac ædificetur.

4. Magnâ charitate.

B Laurent: *Iustin: de instit: & re-
 gim: Prælat: cap: 4.* Prudentis Pa-
 trisfamilias, (*ita eo loci vocat Præ-
 latum*) hoc semper est propriū:

Vniuscuiusque subditi curam gerere, singulorumq; necessitatibus providere, nullum spernere, nulli commoda opportuna subtrahere, quin potius omnes corporali pabulo alere, vniuersos salutaris doctrinâ imbuerè, cunctosq; iuxta singulorum necessitatem ac qualitatem, vt Filios, charitatis brachijs adstrictos tenere, ex quibus idem deducit potissimum Prælatos malos afflicturam illam horribilem sententiam. *Ite maledicti in ignem æternum, esuriui enim & non dedistis mihi, &c.*

5. Magnâ sanctitate.

Idem B. Laurent: ibid: cap: 16.
Quamobrem Pastores animarum tanquam cæteris perfectiores, nedum impudici amoris opera, verum etiam inordinata affectio-
nis motus de cordis sui debent
relece-
re.

refecare habitaculo, vt impollutum sit & sanctum, dignum q̄ ad suscipiendum Dei verbum, quoties in istud eidem reclinare libuerit. *S. Gregor: lib: 1. epist: 24.* Omni curâ vigilandum est, vt Rector Ecclesiæ cognitione sit n̄ undus, operatione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum, erectus &c.

6. Magna Scientiâ.

Sed & scientiâ Prælati opus ita. idem Greg in Pastor p. 1. hos duos textus combinat. Isaia 56. Ipsi Pastores ignorauerunt intelligentiam. & 1. Cor. 14. Si autem quis ignorat, ignorabitur. tanta verò scien-

super Prælatos in Ecclesia. 43

*scientia debet esse, ut alij eam ex ore
Prælati requirant, ut dicitur apud
Prophetam.*

7. Magnâ lenitate.

*Audiamus S. Chrysostomum de le-
nitate hom. 3. ad pop. Vis fratrem
corrigere? lacrymare, ora Deum
ex corde, apprehensum admo-
ne, consule, exhortare, demon-
stra charitatem erga peccatorē,
perluade ipsi quòd consulens &
curans, non peruulgare volens,
peccati ipsum commonefacis:
comprehende pedes, osculare, ne
erubescas, si modò verè mederi
velis. Hæc & Medici faciunt,
sæpius difficiles ægrotos haben-
tes, deosculantes, rogantes, per-
suadent salutare sumere medi-
cinam.*

8. Magno labore.

*Idem hom. 29. in Epist. ad Rom.
Per.*

Perpendamus Ouium Pastores illos, qui in regione Cappadocum sunt, qualia & quanta pro pecorum suorum studijs patiantur. illi sæpè numero vniuersum tri-
dum niuibus obruti perseue-
rant. Dicuntur autem & qui in
Lydia, non minora mala ferre,
dum integros menses difficilem
illam solitudinem, pessima-
rumque bestiarum plenam, vagando
circumeunt. Si tantum erga pe-
cora diligentia impendunt pa-
stores illi, quam quæso excula-
tionē habebimus, quibus ratio-
nales animæ cōcreditæ sunt? &c.
an ignoras gregis huius digni-
tatem? an illius gratiā Dominus
tuus innumera non fecit? an
non postremo & sanguinē suum
fudit? tu verò requiem quæris?

9. Magnā exemplaritate.

*S. Bern. serm. de tribus Ordin.
Ecclesj.*

Eccles. Qui docet & non facit, talis occasio plurima damnatio Prælati, plurima perditio subditorum est. *unde idem in Cant. ser. 10.* Qui animas suscepunt regere, quod sine miserabili gemitu dicendum non est: Christi opprobria, sputa, flagella, clauos, lanceam, crucem, & mortem: hæc omnia in fornace avaritiæ conflant, & profligant in acquisitionem turpis questûs: & pretium vniuersitatis suis marsupiis includere festinant. Hôc sanè à Iuda Iscariotis differentes; quod ille horum omne emolumentum denariorum numero compensauit, isti voraciori ingluuielucrorum infinitas exigunt pecunias, animarum nec reputatur casus, nec salus. & quod est horribilius *serm. 23. in Cant. addit.* Pauci qui utiliter, pauciores qui & humi-

humiliter præfint, cernitur hic Deus iusto sed occulto iudicio suo reproborum nec diluens mala, nec acceptans bona, insuper & corda indurans, ne fortè doleant, & conuertantur, & resipiscant & sanct eos; & hoc non absque certa & æterna ratione, quod tantò formidolosius constat esse, quantò immobilius fixum extat in æternitate. *Hoc sane expenso subiicit (serm 30. Miro audaciam plurimorum, quos videmus de suis vineis, id est de subditis, non colligere nisi spinas & tribulos, id est opus, vineis tamen Dominicis etiam se ingerere non vereri. Fures sunt & latrones non custodes, neq; cultores. & serm. 77. diligunt munera nec possunt pariter diligere Christum. talibus eueniet quod scripsit S. Cyprianus lib. de sing. Cleric. Non inue-*

inuenient in die iudicij vllum
omnino solatium, qui alienige-
nis & Fratribus peccandi fomi-
tem ministrarunt.

10. Etiam pro alijs punientur.

*Vehementer enim subditi malâ
vitâ superiorum scandalizantur, &
in hoc sensu fortassè dixit lib. 2. in
1. Reg. cap. Magnus Gregorius. Ma-
gnus nobis Prælatis timor incu-
titur, quia Heli filiorum culpâ
damnatur, cuius propria peccata
nulla referuntur: nam bonis
subditis ad salutem sufficit bene
vivere: Prælatis verò propria
vita non sufficit. idem ibid. Scri-
ptum est, si peccauerit vir in vi-
rum, pacari ei Deus potest, si au-
tem in Deum peccauerit quis
orabit pro eo? Quicunque aut
suam, aut alterius Fidelis animâ
ad peccandum pertrahit, in Deû
pee-*

peccare conuincitur, quia ei sua propria auferre nititur.

11. Ratio illis talentorum incumbit.

Sed non solum pro culpis, verum etiam pro talentis malè administratis punientur. nam idem S. Doctor eodem loci. Pastorum culpæ subtilius iudicantur, & non solum peccata eis pœnam ultionis aggrauant, verum etiam munera concessa, & singula ad tormentum veniunt, quæ malè fuisse seruata comprobantur. Vnde B. Laur. Iustin. de Christi agone cap. 26. Audiant qui inconsultè regunt, quid de ipsis diuinus sermo Sap. 9 contineat, Iudicium, inquit, fiet durissimum ijs qui præsumunt.

12. Debent esse à Deo vocati ad suum munus.

Iam si ad hoc munus à Deo non sunt

super Prælatos in Ecclesia. 49
sunt electi, damnationi sunt obnoxii:
ex S. Greg. eodem loci patet. Osee 8.
Ipsi regnaverunt & non ex me,
Principes extiterunt & ego igno-
raui. Ex se namq; & non ex ele-
ctione supremæ dignitatis re-
gnant, qui ad gloriam Ecclesia-
stici culminis non vocantur di-
uini. ùs; sed per cupiditatem de-
ducuntur. quos profectò Domi-
nus ignorat, quia eos per inter-
næ æquitatis iudicium reprobata.
& paulò post. Qui ad Sacerdotium
indignus accesserit, vel in eo in-
dignè vixerit, condemnatur.
Certè indignè accedet qui non voca-
tus. Quem ergo Deus vocauit?
Respondet idem S. Doctor. Il-
lum Deus ad suum ministerium
Sacerdotem deligit, qui iuxta
cor eius & animam facit. 1. Reg 2.
Suscitabo mihi Sacerdotem fide-
lem iuxta cor meum & animam

Cmeam.

meam. *Sed quis est iuxta cor & animam?* Cordis & animæ illud præceptum est. Ioan. 5. Diligite inuicem sicut dilexi vos. Lucæ 6. Diligite inimicos. Quæ vultis faciant vobis homines, facite illis. hæc & eiusmodi cordis & animæ præcepta sunt. Sacerdos ergo fidelis per hoc indicium, noscitur, si videlicet iuxta cor & animam eius operatur. *Sed aliquando improbus à Deo assumitur Prelatus, ut qui ei succedit, dum horret vitam Antecessoris, sectetur sanctitatē. Docet id prædictus S. Pater lib. 4. in 1. Reg. cap. 8. Fortasse idcirco reprobis Saul eligitur, ut electus eius successor Rex David in eo cognosceret, quid cauere debuisset. Sic nimirum & de illa Angelorum Curia legimus, quia de Apostata Angelo Iob 40. dicitur. Ipse est principium viarū*

Do.

Domini. Sed qui ante omnia conditus est, per superbiam cecidit, & in eius ruina sancti Angeli didicerunt, quâ virtute stare potuissent. *Signum etiam hoc vocatorum à Deo ponit lib. 4. in 1. Reg. c. 4* Qui à Domino ad regendum alios ordinantur, spiritualia charismatum dona, quibus eis prodesse possunt accipiunt: & eis, quos ordine præcedunt, meritis etiam superiores sunt. *Aliud etiâ signum diuine vocationis ibidem ponit.* Signum suæ vñctionis electi cognoscere possunt (quâ eos ungit vocando Spiritus S.) quia nimirum tunc à Deo ad S. Ecclesiæ culmen perducuntur, cum per verba & exempla idonei sunt ad salutem alienam, & per quietem studiosi ad suam, quales certè nec sunt pueri, nec pseudopolitici, nec idiota.

13. Caueant ne aliquem scandalizent.

S. Greg. Past. p. 3. c. 1. Scire Prælati debent, quia si perueria vnquam perpetrant, tot mortibus digni sunt, quot ad subditos suos perditionis exempla transmittunt. vnde necesse est vt tantò se cautiùs à culpa custodiant, quantò per praua quæ faciunt, non soli moriuntur. His dicitur Prou. 6. Fili mi si sponderis pro amico tuo, defixisti apud extraneum manum tuam, & illaqueatus es verbis oris tui, & captus proprijs sermonibus Spondere namq; pro amico, est alio-
nam animam in periculo suæ conuersationis recipere, verbo oris sui illaqueatus, quia dum cõmissis sibi cogitur bona dicere, ipsum priùs necesse est quæ dixerit.

dixerit custodire. *Sed idem lamentatur hom. 17. in Euan. 2.* Nullum puto ab alijs quàm à Sacerdotibus maius præiudicium tolerat Deus, quando eos quos ad aliorum correctionem posuit, dare de se exempla prauitatis cernit, &c. ingrediuntur tamen Electi, Sacerdotum manibus expiati, cælestem Patriam, & Sacerdotes ipsi per vitam reprobantur, ad inferni supplicia festinant. *Quid ad hæc illi gregis Pastores quos Tertullianus olim amarissimè risit lib. aduer. Iudeos c. 9.* Infantes in prælium spirituale erumpunt, credo ad solem vncti priùs, dehinc panis armati, & butyro stipendiati, qui neq; norint lanciare, neque lancinare. *Sed & S Bern. epist. 42.* Scholares Pueri & impuberes adolescentuli ob sanguinis dignitatem promouentur ad Ecclesia-

sticas dignitates, & de sub ferula transferuntur ad principandum Presbyteris, lætiores interim quòd virgas euaserint, quàm quòd mēruerint principatum.

Claudamus hoc caput Sententiâ Magni Doctoris S. Aug. ad Valerium Episc. epist. 147. Ante omnia peto, vt cogitet religiosa prudentia tua, nihil esse in hac vita, & maximè hoc tempore, facilius & lætius & hominibus acceptabilius, Episcopi aut Presbyteri, aut Diaconi officio, si perfuntoriè atque adulatoriè res agatur: Sed nihil apud Deum, & miserius, & tristius, & damnabilius.

Concludo verbis S. Hieron. lib. 1. in Matth. c. 5. Sal appellantur Apostoli & Doctores, quia per illos vniuersum hominum conditur genus. Quòd si sal euanescit, in quo salietur? Si Doctor

super omnes seruos Dei. 55

errauerit, à quo alio Doctore emendabitur? Ad nihilum valet ultra, nisi vt mittatur foras & conculcetur ab hominibus. Caueant ergo Doctores & Episcopi, & videant, potentes potenter tormenta sustinere, nihilq; esse remedij, sed maiorum ruinam ad tactarum ducere.

C A P V T IV.

GRAVE IUGVM SUPER OMNES SERVOS DEI.

I. Ignorantia statûs nostri in supernaturalibus.

Nescimus an actus virtutum naturales an verò supernaturales eliciamus: quod si naturales? per illos vitam aeternam non meremur. Nescimus an in gratia Dei an viuamus in odio, ac proinde an opera nostra placeant. Nescimus perseuera-

C 4 tuos

turos nos in bono, & cum simus obnoxii semper peccato, omnia quae longot acquisiuius labore in momento amittere possumus, neq; in aeternum reparare.

2. Persecutio virtutem sequitur.

Omnes qui pie volunt viuere in Christo persecutionem patientur, & hoc semper. S. Leo serm. 9. in Quadrag. Nunquam deest tribulatio persecutionis, si nunquam desit obseruantia pietatis. iam vero quam facile a tribulatione vinci, ac virtutis moueri statione? Conciat verò tribulationes internas, ac sepe externas hostis noster, quem prouocamus dum viam ingredimur virtutis, ille autem viribus, vafricie, vitoris valentissimus, & tam certò nobis imminens ut monuerit Sacra Scriptura. Fili accedens ad seruitutem,

super omnes seruos Dei. 57

tem; ita in timore & præpara-
animam tuam ad tentationem :
& *S. Aug. in Psal. 141.* Scito quòd
in medio laqueorum pertransis.
Quid est in medio laqueorum?
in via Christi, & hinc laquei, &
hinc laquei, laquei à dextris, la-
quei à sinistris: Ita sumus constitu-
ti, quomodo si circummeat nos leo qua-
rens quem deuoret: quomodo, si ho-
stis ut iugulet quem nos tamen mini-
mè videamus. & quidem si per ten-
tationes & aduersa non euadimus
meliores, periculum est ne simus sine
Deo uti aduertit *S. Aug. in Psal. 21.*
In quibus habitat Deus, utiq; in
tribulatione meliores fiunt, tan-
quam aurum probati. *Vicius se*
se tangi non sinit, caro sana manum
sustinet, bonus stomachus cibos etiam
duriore vertit in alimentum, malus
optimos corrumpit: S. Greg. præfat.
in moral. cap. 2. Sicut vnguenta

commota laticis redolent, & aromata cùm incenduntur fragrantiam suam expandunt, ita viri sancti qui virtutibus redolent, in tribulatione innotescunt. *Imò si tribulatio nobis non prodest, teste S. Greg. Nisseno à saculo nondum exoluti sumus. Orat. 8. de beatitud.* Vbi viuus sermo & efficax penetraverit in eum, qui verè fidem suscepit, tunc damno rerum terrenarum non tristatur, sed lucro caelestium lætatur : propterea, omne genus suppliciorum, tanquam subsidium & auxilium, propositi gaudij haud cunctanter excipit & admittit : ignem tanquam materiae purificatorē, gladium tanquam direptorem coniunctionis, quā mens cum materialibus & carnalibus coaluit, omnes labores & dolores quicunq; excogitari possunt, tanquam

super omnes seruos Dei. 59

quam medicamentū noxio voluptatis veneno aduersans cupidē atq; parato animo suscipit. *Quia ut S. Chr sost. hom. 25. in Genesim.* Amor in Deum grauitatem molestiarū imminuit, neque sentiri sinit dum nos inuaserint. *Hinc serui Dei metunt ne non ament Dominum quando tribulationum in se horrorem persentiscunt: dum non iudicant practicè, quod pati sit bonum, & valde magnum bonum.* *S. Diadochus cap. 91.* Qui voluntate quādam insatiabili diligit Deum: tametsi infinitis contumelijs & incommodis ab alio afficiatur, tamen non irascitur ei, sed potiùs cum eo qui contumelias & damna intulit, manet copulatus. *talis verè amat Deum: at verò qui non diligit, manet in morte.* *Audiamus quàm S. Chrysostomo Orat. 8. in epist. ad Ephes.*
Co pla-

placeant tribulationes. Vincitum esse propter Christum est præclarior quam esse Apostolum, quam esse Euangelistam, quam habitare coelos: fortasse præclarior est quam sedere à dextris, est magnificentius quam sedere super duodecem sedes, quam collocare cum Angelis, quam vnum esse ex Potestatibus quæ sunt circa coelos aut circa thronos: Audiamus et S. Iohannem Climacum quam necessariis iudicet afflictiones gr. 4. Is qui ad placidam animi quietem, & ad Deum currit, omni die quo maledicta non sustinet, ingens detrimentum se sustinuisse arbitretur.

3. Ob paruorum neglectum sæpè veniunt ad interitum.

Parua sæpè mala graues traxerunt secum ruinas, & veniales culpe, letalium

*super omnes seruit Dei. Et
talium permissione sunt punita.
S. Ambr. in Psal. 1. Ut in stipulam
ignis insiliens inhæret ac perma-
net, donec omne quod corripuit
ablumat, ita vel exigua scintilla
peccati. S. Isidorus Hispalensis lib.
de summo bono cap. 1. Diabolus
est serpens lubricus, cuius si capi-
ti, id est primæ suggestioni non
resistitur, totus in intima cordis,
dum nō sentitur illabitur. S. Hie-
ron. epist. 34. Et Sancti corruunt,
si fuerint negligentes. quare
quia maledictus qui facit opus
Dei negligenter. At verò ab eo
Deus omnia sua tollit quem maledi-
cto subiectum videt. Opera verò no-
stra bona sunt verè res Dei. Sic enim
habet S. Ambr. lib. 1. de Cain. & A-
bel. cap. 10. Quidquid sanctum
cogitaueris hoc Dei munus est,
Dei inspiratio est, Dei gratia.
Præterea illud viris Deum timentibus*

bus occurrere debet, quod inculcat Nazianz. Orat de fuce. Illud velim non ignores, rugam tibi turpiorem esse, quàm maxima vulnera ijs, qui in sæculo viuunt: nec enim tam notabilem ac conspicuam in sordidis, quàm in puris vnius coloris vestibus labes aliqua fæditatem habet. & cui plùs datum plùs ab eo requiritur: quò plura in seruum suum contulit Deus, eò magis offensa illi displicet. aliquo suo modico nauo, modico vitio, grande scandalum secularibus vir facit in opinione virtutis constitutus: & quod in ore secularis veluti nuga habetur, ex ore illius si processerit, velut blasphemia notatur. Adde quod dixit Saluianus lib. 3. de prouid. Voluit Saluator vt quàm est pura pupilla, tam pura sit Christiani vita. Parua sæpè credimus quæ non parùm infirmiores afficiunt,
parua

*parua quæ non parum Deo displicent,
quæ Spiritum Sanctum à nobis auer-
tunt. S. Bernar. serm. 3. de Ascens.
Domini. Ipsi Apostoli Spiritu S.
repleri nequiverant; quia carni
Dominicæ etsi Sanctæ inhære-
bant. quàm paruum hoc vitium sit
vitium! quàm exilis imperfectio
aliquo affectu non pure supernatura-
li, etsi honestissimo, fuisse occupatum:
& tamen hac macula Spiritum San-
ctum, tam necessarium non uni alicui
persona, sed totius mundi conuersio-
ni, Christi glorificationi, inhibebat!
S. Petrus ut docet S. Tho. 2. 2^{dæ} q. 43.
à 2. ad 2. ex quodam pietatis affectu
in Christum, volebat passionem impe-
dire, & dixit. Absit à te Domine,
non erit hoc. & statim audiuit.
Vade post me Sathana, quia non
sapis ea quæ Dei sunt, sed ea quæ
hominum. Ita idem Petrus non
admittebat lauari sibi pedes & di-
ctum*

Num est illi: Si non laueris te, non habebis partem mecum. Affectum autem eiusmodi inter carnalem & fœdum, & spiritualem, notat esse medium. B. Laur. Iustin. fascic. amor. c. 3. dicitq; eum esse, qui se pariter cum dilecto Deo diligit, & non solum Deum sed & delectationem propriam, diligendo Deum diligit, & non nisi eum difficultate carentiam eius quem diligit, patitur, & talis fortasse non in paucis Dei seruis reperitur.

4. Et tamen paruis lapsibus sumus obnoxij.

Et verum hoc est quod S. Diadochus cap. 77. docet. Paucissimorum est, lapsus suos perfecte cognoscere. & S. Gregor. in Psal. Pœnit. Sancti viri licet iam magnâ charitate luceant, aliquas tamen peccati nebulas, veluti quasdam noctis

super omnes seruos Dei. 65

noctis reliquias nolentes trahunt. *S. Isid. Hispal. lib. 2. sent. c. 18.* Quamuis in hoc sæculo magnâ iustitiæ quisque claritate resplendeat, nunquam tamen ad purum peccatorum sordibus caret. Imò cum detractio sit ex suo genere graue ac mortiferum crimen iuxta *S. Tho. tamen iuxta eundem 2. 2^æ q. 73. à 2. ad 2.* Paucos esse vel nullos, qui non sint detractationibus dicendis obnoxij. *S. Chrysost. lib. 1. de compunct. cordis.* A vicio temerarij iudicij, neque sæculi homines, neque Monachorum vllum facile inuenies liberum.

5. Sæpe nec puras habent, nec veras virtutes.

S. Bern. 72. in Cant. In tempore & corpore isto, nulla nostra virtus ad purum ita defæcata
est,

erit, nulla ita suavis & mera, vt Sponſo *Chriſto* habilis ſit ad portandum, & nimirum, ſi ipſæ quoq; iuſtitiaæ noſtræ, omnes ad lumen veritatis inſpectæ, velut pannus menſtruatæ inueniantur, iniuſtitiaæ deinceps quales reputabuntur? Si lumen quod in nobis eſt, tenebræ ſunt, ipſæ tenebræ quantæ erunt? *Caffianus coll. 14. cap. 6.* Impoſſibile eſt vnum eundemq; hominem ſimul vniuerſis fulgere virtutib⁹, quas ſi quis voluerit pariter affectare, id in eum incidere neceſſe eſt, vt dum omnes ſequitur, nullam integram aſſequatur. *quanquam hic locus explicari debet de prima acquisitione virtutum, quas omnes ſimul quærere impoſſibile eſt: tamen quantum hoc ſit iugum ſeruorum Dei. cū pauci inueniantur, qui ſint in poſſeſſione, & non potius in acquisitione.*

super omnes seruos Dei. 67

sitione ! Sed illud non leuius quod ostendit S. Climacus gr. 8. coll. 4. Quandoq; dæmones, cū saturitate fuerimus distenti, compungunt nos : rursum cū ieiinauerimus obdurant, vt seducti lacrymis, parenti vitiatorum gulæ, ac delicijs nos ipsos exponamus. en quantum periculum, & quā fallax ! Sed & illud non minus de quo Richard. in 6. Cant. Dulcis in Deum affectus, quodammodo carnalis est & fallax; & humanitatis interdum potius quā gratiæ, cordis quā Spiritûs, sensus quā rationis, ita vt magis accedat aliquando ad minus bonum, & minus ad maius. Sed licet etiam signa in nobis appareant virtutum nondum absq; metu relinquimur. S. Bern. libro 2. consid. 6. Quā multæ quas putaueras fruges, diligenter inspectæ, vepres po-

potius apparebunt! imò ne vepres quidem: annosæ & veteranosæ arbores sunt, sed non fructiferæ, nisi fortè glandium, aut filiquarum quas porci manducant. *Audiamus etiam S. Basil. reg. 17. breu. De verbis ipsis quid sentiat bonis.* Licet verbum ipsum quod dicitur, genere ipso de numero sit bonorum, tamen nisi ad ædificationem fidei dirigatur, nequaquam propterea quòd bonum sit, liber sit à periculo, qui illud locutus sit, quippe, qui videlicet ex eo, quòd ad ædificationem illud non accommodaverit, contristare noscitur Spiritum Sanctum Dei.

6. Multa pericula à seipsis patiuntur.

Iam verò corpus quod corrumpitur aggravat animam, & sensus nostri

*stri nobis insidiantur. de gustu circa
ipsam aquam monuit S. Antonius.
S. Paulum simplicem. Non minùs
per aquæ abundantiam, phan-
tasias animæ fieri, quàm per vi-
num calorem corporis incresece-
re. Oculis vocat S. Greg. 21. Moral. 2.
Raptores ad culpam: quisquis
enim per has corporis fenestras
incautè exterius respicit, ple-
rumq; in delectationem peccati-
etiam nolens eadit, atq; obliga-
tus desideriis incipit velle, quod
noluit. S. Hieron. ad Eustochium
scribens, monet. Nullum aspectum
esse tutum. Eccli. 3. Nequius o-
culo quid creatum est? De lin-
gua idem cap. 28. Multi cecide-
runt in ore gladij, sed non sic
quasi qui interierunt per linguâ
suam. Et vniuersim S. Iacob. c. 2.
In multis offendimus omnes.
& Eccl. 2. Non est homo iustus
in*

in terra, qui non peccet. *Nostra mens quàm fluxa, quàm facilè dilabitur cùm oramus; & de hoc malo scripsit S. Ambr. lib. 1. de Cain. & Abel. c. 9. An nescis quàm graue sit in Oratione contrahere peccatum vbi speras remedium? certè Dominus per prophetam docuit hoc graue esse maledictum; dicens: & oratio eius fiat in peccatum. Et Iulius Papa epist. ad Episcopos Ægypti, de distractionibus mentis, alijsq; negligentis que inter sacrificandum accidunt, ita scripsit. Cùm omne crimē atq; peccatum oblatis Deo sacrificijs deleatur: quid de cætero pro delictorū expiatione dabitur, quando in ipsa sacrificij oblatione peccatur? Nam vt docuit Tertull. lib. de Orat. cap. 10. Sit de tali Spiritu emissæ Oratio, qualis est Spiritus ad quem mittitur: nequit enim*

super omnes seruos Dei. 71

enim agnosci à Spiritu S. spiritus inquinatus, aut tristis à læto, aut impeditus à libero. nam Adversarium recipit nemo, nemo nisi comparem suum admittit. Debet itaq; conari qui orat, ut sit quodammodo tam purus, tam expeditus ab omni natio, atq; ipse Spiritus Dei. S. Ephrem etsi minus, multum tamen ab orante requirit, *serm. de virginit.* Esso totus orationis tempore velut cælestis Angelus, sicq; contende ut oratio tua sit sancta & pura, immaculata & irreprehensibilis, ut cum illam sursum ascendere viderint, portæ cælestes, gaudentes ultro confestim aperiant ei: ut ipsam cernentes Angeli & Archangeli cuncti, lætantes illi occurrant, & coram Sancto atq; excelsio throno, immaculati Domini, ipsam offerant: sic ergo semper Orationis

horâ

horâ esto Deo coniunctus, vñ
 Cherubim atq; Seraphim. *Et ta-*
men aduertit S. Hieron. adu. Lucif.
 Conuerſiat vnusquisq; cor ſuum,
 & in omni vita inueniet, quàm
 raram ſit fidelem animam inno-
 niri, vt nihil ob gloriæ cupidita-
 tem, nihil ob rumuſculos ho-
 minum faciat. Neq; enim ſtatim
 qui ieiuat, Deo ieiuat: aut
 extendens pauperi manum, Deo
 ſænerat: vicina ſunt vitia virtu-
 tibus, difficile eſt Deo iudice eſ-
 ſe contentum. *B. Lauren. Iuſtin.*
comp. & compl. perf. Chriſt. col. 190
 Rarus profectò reperitur, qui ſo-
 lo teſtimonio contentus ſit diui-
 no. *B. Damiani hiſ ſubiungendus*
lib. 5. epist. 3. Quid prodeſt, quid
 quid homo faciat, ſi hoc non
 placet Deo?

7. Debent omnia perfectissimè operari.

Ad perfectionem verò illamq; maximam quomodo obligamur, non in sola duntaxat oratione, sed etiam in alijs actionibus, docet S. Thomas opusc. 62. Diligentiam apponere debemus; vt singula opera nostra quantum vnquam melius possumus, faciamus ex omni virtute Domini Nostri IESV Christi, & cum omni desiderio triumphantis & militantis Ecclesiæ, & sub nomine Creatoris. quasi tota salus nostra & omnis laus Dei, & vniuersitatis utilitas ex vno opere dependeat: quasi nunquam ad id opus reuersuri, neq; aliud postmodum facturi. Passiones verò nostræ seruo Dei iuxta S. Ambr. lib. de arca & Noë cap. 25. ita debent menti, id est rationi, vt

D olera

olera rustico esse iubeat. post-
quam verò hæc omnia feceritis,
dicite serui inutiles sumus.

8. In fervore sæpe superantur
in suo genere a Filijs huius
mundi.

*Clamabat olim S. Bern. serm. 1.
de altit. & bassit cordis. Magna
confusio, magna valdè, quòd ar-
dentiùs illi, id est filij mundi, per-
niciosa desiderant, quàm nos
utilia; citius illi ad mortem pro-
perant, quàm nos ad vitam, &c.
vilescunt eis omnia pro deside-
rio minoris fortè rei, quàm al-
teri cæperint invidere. idèo iuxta
mentem B. Laur. Iustin. lib. de Obe-
dient. cap. 21: Surgent in iudicio
eum servis Dei, & ex sua cordis
ambitione, redargutione illos
dignos esse ostendent, tanquam
solicitudo. & affectione infe-
riores.*

riores. *Et paulò post.* Filij mundi se faciunt gehennæ Filios, ut attollantur honoribus, ceteros præcellant laudibus, atq; terrenis dicescant opibus. Serui Dei verò cæleste vocantur ad Regnū, & adire pænè recusant, &c. melius illis fuerat viam veritatis nō agnouisse, ac virtutum arduum iter nō initiasse, quàm post agnitum & inchoatum retrorsum ire.

S. Theodorus Studita serm. 17. inæstat. Scelus est operarios carnales promptius opifica tractare, nos spiritualia studia segnes & dissolutos adire: illos sudore fluentes à laboribus non abstinere, nos contentionis Monasticæ fastidio duci. *Itaq; scelus est, si opifex aut mercator ob lucrum, miles ob stipendium plura sustineat, quàm ego propter calum.* *S. Chrysost. hom. 79. ad pop.* Si Deus nostrum in Ora-

tionibus torporem & negligentiam exquirat, & quòd in eius conspectu positi & orantes, neq; tantum ei præbeamus honorem quantum Dominis serui, quantum Ducibus milites, quantum Amicis Amici, nunquam veniam habebimus? nunquid excusationem assequi poterimus? non arbitror ego. ubi videtur innuere, eiusmodi torporē esse irremissibilem.

9. Nec satis mala cauere, nisi bona fecerimus.

Sed licet nulla mala admiserimus, si tamen bona nulla egerimus, minimè saluabimur, audi S. Basil. erat. quòd mandata præterimus. Arborē plantauit quidam in vinea sua Lucæ 12. & venit quærens fructum eius & non inuenit: & ait Vinitori, iam tres anni sunt quibus venio quærens in ea fructum.

Etum nec inuenio, excide illam
ne terram occupet. Alibi verò
clariùs hoc ostendere iudicium
videtur: cùm dicit; Discedite
à me maledicti, esuriui enim &c.
Hoc enim non aliquid eorum,
quæ prohibentur; sed eorum,
quæ sunt imperata, negligenti-
am atque omissionem intert.
Multa quoq; similia inuenimus,
quibus facilè ostenditur, quòd
non solùm, qui male faciunt di-
gni sunt morte, ac igne inextin-
guibili cruciabuntur, sed etiam
qui officium deserunt, ac bene-
facere minimè curant, cum eis
vnâ damnabuntur. Nec solùm,
ij sed etiã qui quod boni agunt,
negligenter agunt, pœnas omni-
nò dabunt. Scriptum est enim.
Maledictus homo qui facit opus
Dei negligenter. *Atqui bonum,*
ex integra causa? itaq; solùm illud

est horum in quo nullus est defectus, quam verò paucula eiusmodi in nobis ! ideo humiliemur sub potenti manu Dei, & salutem nostram in timore & tremore operemur, satagentes certam facere vocationem nostram per bona opera. Altus nobis praefixus est scopus. Istote perfecti sicut & Pater vester qui est in cælis.

10. Debent practicè cognoscere Deum.

Hæc est vita nostra, ait Euangelium, cognoscere Patrem Deum, & quem misit Filium. Quid verò sit cognoscere, docet Clemens Alex. lib. 3. paedag. cap. 1. Qui Deum cognoscet, ei assimilabitur, & quàm paucissimis fieri poterit indigens fiet, solus autem Deus re nullâ indiget.

II. Ma-

II. Magnam debent quærere humilitatem.

S. Diadochus dixit & verè, c. 95.

Res est difficilis ad comparandum, humilitas *at verò S. Cypr. de Christi Natiu.* Fundamentum sanctitatis semper fuit humilitas. *S. Chrysost in acta hom. 30.* Mater, radix, altitx, & firmamentum, & vinculum bonorum humilitas.

Sed quàm sit difficilis, cognoscitur ex suis effectibus, quos enumerat Beatus Laur. Iustin de conjunct. Stat subiectus humilis, prostratus omnibus, Deo deuotus, beneuolus fratribus, non contradicit, non murmurat, non irascitur, non reddit malum pro malo, neque maledictum pro maledicto, accusatus tacet, iniurijs laecissitus orat, temptationibus probatus sustinet, laboribus grauius ministeria perficit. 12. Vi-

12. Vitia excilā repullulant.

Sed licet vitia exciderimus magno labore, & virtutes inseruerimus, facillimè & vitia redeunt, & virtutes intereunt. in quo infelices sumus latomis, qui licet grandi labore lapidem quadrent, nunquam tamen ille ad priorem figuram redit S. Bern. serm. 58. in Cant. Credite mihi & vitia putata repullulant, & efugata redeunt, & reaccenduntur extincta, & sopita denuò excitantur. & hoc quidem licet aliquis omnia penitus vitia sustulerit: nam si partem reliquerit etiam minimam, ait S. Chrysost. hom. 19. ad pop. Ne mihi dicas maiorem partem expediui, sed nisi totum emendasti, nondum te quidquam fecisse puta. hoc enim exiguum neglectum, & omne reliquum destruit. sæpiùs namq; domos

super omnes seruos Dei. 81
mos ædificantes homines, & te-
ctum imponentes, vnius regulæ
excussæ curam non gerentes, to-
tam domum perdiderunt.

13. Iudicia Dei admiranda,
& occulta.

*Plorabat olim, ut in Schola ss. Pa-
trum fol. 180. scribitur B. Bertran-
dus Ord. S. Dominici, idq; plorabat
continuò, rogatus causam, dedit.
Cur non amarissimè fleam, cum
non certò sciam, an aternæ salu-
tis compos sim futurus? idem de-
plorabat S. August. Soliloq. cap. 29.
Magna sunt Iudicia tua Domi-
ne Deus, Iudex iuste, & fortis,
qui iudicas æquitatem & inicu-
tabilia facis & profunda, quæ
cum considero contremiscunt
omnia ossa mea, quoniam non
securatur homo super terram;
vt seruiamus tibi piè & castè cun-
dis*

Etis diebus vitæ nostræ in timore; & exultemus tibi cum tremore, ut non sit seruitium sine timore, neq; gaudium sine tremore, & non gloriatur accinctus æquo & discinctus, neq; gloriatur ante te omnis caro, sed pauescat & contremiscat à facie tua, cum ignoret homo utrum amore an odio dignus sit, sed in futurum omnia reservantur incerta. Vidimus enim multos Domine & audimus, quod utiq; sine magno tremore non recolo, sine multo timore nō cōfiteor, ascendisse primitus quidā nodo usq; ad cælos, & inter sidera nidum suum collocasse. postmodum cecidisse usq; ad abyssos, & animas eorum in malis obstupuisse. Vidimus stellas de cælo cecidisse, ob imperū ferientis caudæ Draconis; & eos qui iacebant in puluere

super omnes seruos Dei. 83

uere terræ, à facie subleuantis
manûs tuæ, Domine, mirabili-
ter ascendisse. Vidimus viuos
morientes, & mortuos à morte
surgentes, & eos qui inter Filios
Dei ambulabant in medio lapi-
dum ignitorum quasi lutum ad
nihilum fluxisse. Vidimus lu-
cem obtenebrasse, & de tenebris
lucem processisse, quia publicani
& meretrices præcedunt Incolas
in regno cælorum, filij autem
Regni eijciuntur in tenebras
exteriores.

C A P V T V.

GRAVE IVCVM SUPER
PECCANTES.

1. Misericordia peccantis, quo-
ad animam.

D*Um peccas mortaliter, amittis
Deum, qui erat tuus: amittis
Deum, qui erat tuus.*

aterna hereditatis iura, quod est
 multo plus, quam totius mundi re-
 gna amittere. Feditatem in oculis
 Dei atq; Curia caelestis immanem
 contrahis. S: Ambr. 1. de offic. c. 12.
 Conscientia peccatoris grauius
 faetet omnibus sepulchris. Tra-
 ditur peccator, ait Tertul. lib. de
 fuga. diabolo tanquam carnifici
 in pænem: teste S. Chrysost. hom. 30.
 ad pop. Peius est peccare, quam
 à dæmone oblectum esse, teste
 S. Aug. in expof. epist. Rom: Vnus
 peccando, animam suam diabo-
 lo vendit, accepto tanquam pre-
 tio dulcedine voluptatis. Pec-
 cans suam voluntatem pluris facit
 quam Deum, atq; ita bono infinito
 præponit: imò bono infinito præfert
 demonis voluntatem. Bestia efficitur
 ingrator, quæ suos Genitores, & Be-
 nefactores amat, cognoscit enim
 bos possessorem & asinus præcè-
 pè Do.

pē Domini sui. Insuper deuenit eō
impietatis peccator, ut Christum si-
birursus crucifigat. Complexus ali-
qua horum S. Chrysost. cū 23. hom.
ad pop. dixit. Hominem malum,
peioresse bestiis & dæmone.
imò non quocunq; dæmone, sed ipso
Lucifero. Nam Lucifer se tantū
voluit Deo similem esse: non verò se
pratulit. Sed peccator millies vilio-
rem creaturam, scilicet voluptatem
propriam præsert Deo, & hanc præ
Creatore eligit. Contrahit denique
quendam in anima lethargum: quod
in Iona cap. 3. exprimitur, ita ut ni-
hil curet et si illum barathrum & mil-
le pericula circummugiant. Omnia
opera inficit, ut fæda & enormia Deo
compareant. Sed verius est mors
quam lethargus, siquidem excitari
non potest viribus uatura Ezech. 18.
Anima quæ peccauerit ipsa mo-
rietur. S. Aug. in Psal. 70. Duæ

vita sunt, vna corporis, altera animæ; sicut vita corporis est anima, ita vita corporis Deus est, quomodo si anima deserat, moritur corpus: ita si Deus deserat, moritur anima. atq; ita putidissimum cadauer efficitur. Amplius dixit S. Bern. serm. de S. Benedicto. Sicut caro porcina, cum comeditur, nostræ adhæret carni, vt iam sit vna caro: sic transgressor præcepti Dominici, spurcos sibi sociat spiritus, & adhærendo eis vnus cum eis efficitur dæmon.

7. Est certa mensura peccatorum, etsi ignota nobis.

Qui operatus omnia in pondere & mensura, etiam statuit peccatorum numerum, quem vbi miser attigerit, non apponet misereri Deus. Sed hoc terribile negotium explicet nobis
S. Greg.

S. Greg. 25. Moral. 9. Iusto Dei iudicio augeri culpa permittitur, ut ad ferendum alius quandoq; cumuletur. *Hinc 1. Thessal. 2.* Ut impleant peccata sua semper. *Psal. 68.* Appone iniquitatem super iniquitatem eorum, ut non intrent in iustitiam tuam. Hinc de Domino dicitur. Immisiones per Angelos malos, viam fecit semitæ iræ suæ. Cor prioribus peccatis aggrauatum, iuste permittit etiam subsequenter malignorum spirituum persuasionibus falli, quod cum dignè culpa trahitur, reatus eius in pæna cumulatur. Vnde & iræ suæ Dominus viam fecit de semita, latior enim est via quàm semita. *Gen. 15.* Nondum completa sunt peccata Amorrhæorum. *Deu. 32.* Ex vinea Sodomorum vitis eorum, & propago eorum ex Gommorra,

morrha, vna eorum vna fellis, &
 horrens amaritudinis in ipsis, fu-
 ror draconum vinum eorum, &
 furor aspidum insanabilis. Non-
 ne hæc omnia congregata sunt
 apud me, & signata in thesauris
 meis, in die ultionis reddam eis.
 Quam multa eorum mala enar-
 rauit? & tamen illico adiungit.
 In tempore quo lapsus fuerit pes
 eorum. ecce atrocissima illorum
 facinora describuntur, & tamen
 ad ultionis diem adhuc sequens
 lapsus aspicitur. (*ad diem nempe
 ultionis, quem sibi Iustitia Dei præ-
 fixit post certum numerum & pondus
 peccatorum*) quo eorum culpæ cu-
 mulentur. de quo ipso monuerat
S. Ephrem. Paranes 47. Vide ne
 præscriptum tempus impleatur,
 aliudque tempus non inuenia-
 mus.

3. Peccatum multa mala affert in corpore & temporalibus.

Certè iudice S. Chrysost. hom. 5. de penit. Ex peccato bella, morbi, atq; omnes quotquot nos premunt passionēs. S. Hieron. epist. 2. ad Heliod. Nostri peccatis Barbari sunt fortes, nostris vitijs Romanus superatur exercitus. Quia lex apud Deum insuperabilis, quam S. Greg. 9. Moral. 17. his verbis exponit. Delinquenti Dominus nō parcat, quia delictum sine ultione non deserit: aut enim ipse hoc homo in se pœnitens punit: aut hoc Deus cum homine vindicans punit. Deus enim summa sanctitas, itaq; peccato summe aduersatur, & si hoc verum de omni peccato, multò magis de nostro. Peccauit Lucifer, sed pro illo Christus non fuit pas-

passus, nunquam illi fuit remissum,
 nunquam vidit aliquem ob peccatum
 punitum: quod in nobis cuenit,
 & aggrauat quocirca necesse est ut
 vel nos puniamus in nobis ipsi, & ita
 iuxta condignum puniamus, ut nihil
 supersit pœna: vel Deus puniet, sed
 terribile est incidere in manus
 Dei viuentis. & quidem iuxta
 S. Chr. s. hom. 46. ad 1. op. Maxi-
 mē oportet timere peccantes,
 cū graue patimur nihil. cū
 enim particulares exigit pœnas
 Deus, leuem nobis fecit ex his
 retributionem. cū autem in
 singulis peccatorum longanimi-
 ter agit, ad magnam in talibus
 permanentes, ultionem seruat.
 Nam peccatum non tantū postulat,
 sed etiam extorquet vindictam. Au-
 diamus de hac re S. Massiliensium
 Episcopum Saluianum lib. 1. de gu-
 bern Gen. 18. Clamor Sodomor-
 rum

rum multiplicatus est nimis. Pulchrè clamorem in se habere dixit peccata. Grandis abiq; dubio peccantium clamor est, qui à terra ascendit ad cælum. Quare autem peccata hominum quasi clamare testatur? Scilicet quia cædi aures suas Deus dixit clamoribus peccatorum, nè distèratur pæna peccantium. Et verè clamor & quasi grandis clamor est, quando pietas Dei peccatorum clamoribus vincitur, ut peccantes punire cogatur. *hoc ipsum idem S. Pater proficitur ibid. lib. 4.* Vini facimus pietati Dei, ac manus quodammodo afferim⁹ misericordiæ suæ: ac sicut illi solent qui munitissimas vrbes obsident: aut firmissimas arces vrbum capere, ac torere conantur; omnibus abiq; dobio eas, & telorum, & machinarum generant.

neribus oppugnant : ita nos ad expugnandum misericordiam Dei, omni peccatorum immanium scelere, quasi omni telorum genere pugnamus *Isaia 15.* Ecce omnes ignem accenditis, & vires præbetis flammæ : ingredi mini in lucem ignis vestri, & flammæ quam accendistis.

4. Hæc ipsa mala etiam peccatum veniale ex parte inducit.

Vniuersim de quocunq; peccatore dixit S. Cyprianus de Cardin. oper. Christi. Non pertinet ad te Domine, nec extuis est, qui te non diligit : nec diligit qui te scienter offendit. & *S. Basil. proem. in reg. fus. ita argumentatur.* Quis est Filius, qui propositâ ipsi Parentis gratiâ, cùm in rebus maioribus ipsi obsequatur, in ijs quæ leuio.

levioris momenti sunt, prudens
hoc est sciens volens, ipsum velit of-
fendere, ac non multò magis il-
lorum Apostoli verborum memi-
nerit. Nolite contristare Spiritum
Sanctum in quo obsignati estis.
Itaque qui scienter etiam in parvis pec-
cat ad Christum non pertinet, & Spi-
ritum S. contristat. unde meritò Cas-
sianus coll. 14. c. 11. Omnis cogi-
tatio non solum turpis sed etiam
otiosa, & à Deo quantumcunq;
discedens, à perfecto viro im-
mundissima fornicatio deputa-
tur. & *S. Dorotheus serm 20.* Lon-
gè melius est corpus tuum &
omnia perire simul, quàm lædi
animam etiam in re minima.
imò S. Hieron. epist. 14. ad Celant.
Nescio an possimus leve aliquod
peccatum dicere, quod in Dei
contemptum admittitur: estq;
ille prudentissimus, qui non tam
con-

cōsiderat quod iussum est, quàm
 quis iusserit, nec quantitatem im-
 perij, sed imperantis cogitat di-
 gnitatem, quæ infinita est. *Issa*
boni dilatio non sub graui peccato im-
perati, certè valdè venialis est culpa:
audi tamen de ea S. Bern. epist. 108.
 Aduertè hanc dilationem quam
 tu tibi indulxisti, esse iniuriam
 Dei: non esse annum placabi-
 lem Deo, sed discordiæ cum Deo
 seminarium, iræ fomitem, nu-
 trimentum apostasiæ; qui spiritum
 extinguat, gratiam inter-
 cludat, teporem afferat, qui Deo
 solet vomitum prouocare. *Si*
tantum malum est differre bonum:
quantum putas malum est ipsum pa-
trare malum, & malum contra infi-
nitum bonum. & licet illa verba
S. Bernardi directè impetant eum
qui differebat ingredi statum religio-
sus: ad quamcunq; tamen boni di-
latio.

lationem optimo iure extenduntur.
De venialibus certe loquitur S. Aug.
h. m. ult. ex 50. quod sint velut sca-
bies, quò plura sunt necant, sci-
licet dispositiue sicut morbi, & no-
strū decus exterminant. S. Casar.
Arelatenfis, q. òd sint pustulæ, &
quasi horrendā scabie repleant
animam, & horrendam facien-
tia. & ita mentis nostra oculos infu-
scant ut lumen diuinum non perci-
pant. Ita S. Bernard. de Conuers.
ad Cler. cap. 25. Odibilis macula
quæ beatam adiungit nobis visio-
nem, & execrabilis negligentia
quâ dissimulamus interim illius
oculi, scilicet interni, mundatio-
nem.

5. Alij effectus peccatorum venialium.

Ne venialia contemnamus, atten-
damus quid dixerit S. Bern. serm. 1.
in

in Conuers. S. Pauli Cauete deinceps nequis parua reputet, quamlibet parua, si scienter delinquere conuincatur. Nemo dicat in corde suo, leuia sunt ista, non curo corrigere, non est magnum si in his maneam venialibus minimisq; peccatis. Hæc enim dilectissimi impænitentia, hæc blasphemia in Spiritum Sanctū, hæc blasphemia irremissibilis. *Et qui negligunt venialia, ruere in mortalia permittuntur. ita S. Greg. 3. p. pastor. cap. 14.* Qui peccata minima flere, ac deuitare negligit, à statu iustitiæ, non quidem repenti, sed partibus, totus cadit. *S. Isid. Hispal. lib. 2. sentent. cap. 9.* Iudicio diuino in reatum nequius labuntur, qui distringere peccata sua minora, contemnunt. *Et terribile est quod S. Greg. 3. p. pastor. reliquit.* Nonnunquã
detc.

deterius in parua, quàm in magna culpa peccatur: maior enim quò citius agnoscitur, eò etiam celerius emendatur: minor vero dùm quasi nulla creditur, eò prius quò & securius in usu retinetur. *Certè leue est in oratione mente distrahi, dum oratio non est ex precepto, at illud quanti fecerit Caspianus coll. 23. cap. 27. Non iniuste, non solum leui peccato, sed etiam grauissimo impietatis crimine adstringitur, qui precem Domino fundens, subito à conspectu eius, quasi ab oculis non videntis, nec audientis, cogitationis improbæ vanitatem secutus, abscelleris. Leue est mendacium quod in nullius damnum vergit. at S. Dorotheus serm. 9. dixit. Nullus mendax adhærere vnquam Deo, aut vniri potest. Quia, ut S. Bern. serm. 59. in Cant. Non*
E. potest

potest virtus pariter cum vitijs
 crescere. Imò S. Hieron. cum nu-
 merando alia vitia, etiam menda-
 cium recensuisset asseruit. Quoties
 vitijs vincimur, et eum negamus.
*Veniale etiam quodammodo ad sa-
 diu cum dæmone disponit: ita enim*
 S. Macarius hom. 27. vniuersim de
 peccatis loquitur. Ex proposito, id
 est deliberatè, vitiosi sunt hi, qui
 suam ipsorum voluntatem vitio
 tradiderunt, delectantur cum il-
 lo, amicitiamque contrahunt:
 huiusmodi cum Sathana pacem
 habent. *Venialia etiam aliquomo-
 do irremissibilia sunt, si voluntariè
 fiant* S. Chrysost. serm. de Cant. David.
 Qui volens delinquit, vel spontè
 furit, dæmon est, neq; veniam
 ab hominibus, neq; misericor-
 diam promeretur.

6. Venialia præparant ad mortale.

Quomodo à venialibus ad mortalia fit descensus explicat S. Ioan. Chrysost. hom. 19. ad pop. Exiguum neglectum, & omne reliquum destruit. Sæpius namq; domos ædificantes homines; & tectum, imponentes, vnius regulæ excusæ curam non gerentes, totam domum perdiderunt: & in vestimentis idem euenire, quis cernere non possit? etenim parua in illis facta scissura non refarcita; magnam facit disruptionem. Hoc & in torrentibus multoties euenit. etenim si illi vel minimum cæperint ingressum, totum introducunt fluentem. & Cassianus lib. 5. instit. cap. 20. de venialibus gula, ita loquitur, vt ad reliqua extendi possit. Qui gulæ super-

fluos inhibere appetitus non potuit; quomodo æstus carnalis concupiscentiæ extinguere valebit? & qui non quirit passiones in propatulo sitas periculasque compescere, quomodo occultas, nulloq; teste prurientes, poterit debellare? *S. Isid. Hispal. lib. 2. sent. cap. 19.* Experimento, vel contemptu minorum peccatorum, maiora comittuntur.

7. Mortale trahit in aliud mortale.

Hoc in peccate, maximè mortali, pessimum est, quia non diu solum est. S. Greg. hom. 11. in Ezech. Omne quod prius committitur peccatum est, sed si citius pœnitendo non tergitur, iusto iudicio omnipotens Deus obligatam peccatis mentem, etiam in culpam alteram permittit cadere, ut qui
Mendo

fiendo & corrigendo noluit
mundare quod fecit peccatum,
incipiat peccato cumulare. *Idem*
in Ezech. hom. 9. Dristicla sunt
Omnipotentis Dei iudicia, &
qui peccatorem expectat diu ut
redeat, non redeunti atq; con-
temnenti, ponit adhuc ubi gra-
uius impingat. Peccatum quip-
pe quod per penitentiam citius
non deletur, est & causa peccati,
aut peccatum simul, & causa, &
pæna peccati. Hoc autem nobis
cum tremore cõsiderandum est,
quomodo Iustus & Omnipotens
Deus, cum præcedentibus pec-
catis irascitur, permittit ut caeca-
ta mens etiam in alijs labatur..
Vnde Moyses ait Gen. 15. Nondum
completa sunt peccata Amorr-
hæorum. & *Psal. 48.* Appone
iniquitatem super iniquitatem,
ut non intrent iniusticiã tuam.

& *Osea* 5. Maledictum & mendacium & furtum & adulterium inundauerunt, & sanguis tetigit sanguinem. Sanguis enim sanguinem tangit, quando peccatum peccato additur. *Apoc.* 22. Qui nocet noceat adhuc, & qui sordidus est sordescat adhuc.

8. Facit vt Deus nesciat peccatorem.

Dum verò in hac miseria versatur peccator, incurrit quandam obliuionem apud Deum. S. Greg. in 1. Reg. cap. 4. Vnusquisq; ibi per peccatum projicitur, vbi occultatur, & quasi perditus vbi fit nescitur; quando Iustitiæ lucem in qua Deus posuit eum, dereliquit. Hinc est quòd in paradiso post peccatum, primum hominem quærit. Adam vbi es? Hinc de mortuo Lazaro requirit, vbi posuisti eum?

9. Merita

9. Merita destruit, mortificat,
mala reuocat.

*Quidquid antecedenter boni fuisti
operatus, in peccatum incidisti, ami-
sisti. ita Basil. epist. ad Chilonem.*
Qualem te inuenio talem iudico.
Vbi Moysis tot pro Deo sumpti
labores? nonne momento ad
aquam contradictionis, quæ illi
ingressum in terram promissio-
nis prohibuit, perierunt? *Quæ
opera existens in mortali operatur,
non sunt ad vitam æternam. hoc
ostendit S. Arsenio ipse Dominus per
visum.* Qui haurit aquam de la-
cu, & mittit in collectaculum, ex
quo alia parte effluat aqua. Sic
qui aliqua bona operatur, sed
quia mala etiam per peccata ope-
ratur: idèd pereunt & delentur
etiam bona opera quæ facit.
In sacculum nimirum perculsum,

ut hoc ipsum aliâ phrasi eloquitur
Sacra scriptura, mittit pecuniam
suam, & gauri.

10. Vnius peccatum tota sæ-
pe regna euertit.

Peccati malum non in solo peccan-
te sistit, sed sæpe in totam communi-
tatem, cuius ille pars, refunditur
quoad penas temporales; sicut &
meritum quoad beneficia huius tem-
poris. ita Gen. 20. propter Pharaonis
adulterium in Saram destinatum.
Pharaonem flagellauit Deus pla-
gis magnis, sed & domum eius.
Ob peccatum Giezi lepra ad posteros
manauit 4. Reg. 5. Ilinc S. Basil. h. 8.
in diuites auaros. Per paucos ma-
la arumnaeque ad vniuersum
populum sæpius perueniunt, &
vnus ob noxam tota gens ali-
quando euertitur. & hoc non raro
accidit. S. Aug. lib. 9. contra Iulian.
cap. 2.

cap. 2. Quàm multa sunt divina-
rum testimonia scripturarum ,
quæ Parentum peccatis obligant
Filios, numerare quis possit? cur
enim peccavit Chan & in eius
filio Chanaam vindicta prolata
est? cur pro peccato Salomonis
filius eius diminutione regni pu-
nitus est? cur peccatorum Achab
Regis Israël, in eius posteros pæ-
na dilata est? *Deus dixit Exod. 20.*
Ego sum Dominus Deus tuus,
fortis zelotes, visitans iniquita-
tem Patrum in filios, in tertiam
& quartam generationem. &
hoc ipsum non solum propter mortale,
sed etiam ob veniale accidit ita 4.
Reg. 24. dat Deus in di. eptionem
regnum Israëliticum, propter vanam
gloriam. Ezechiae, ex qua thesauros
suos Legatis Babilonis ostentavit,
qui tamen aliàs Rex fuit sanctissimus.
Vide ergo o Peccator, quis contra te
Es. rugi-

*rugilus populorum, quæ accusatio
 consurget in die Iudicii; cùm palam
 fiet plurimis quòd propter tua pecca-
 ta vapalirint: & quam penam de te
 postulabunt? Verùm ob unius pec-
 catum non solum in corporalibus bo-
 nis, sed etiam in bonis æternis multi
 (quod est longè horribilius) plectun-
 tur: dum illis gratia subtrahitur ef-
 ficax. Prædixit hoc fore Nathan ob
 peccatum Davidis, nam non tantùm
 dixit, quòd non esset recessurus
 gladius de domo eius: Sed hoc
 addidit: Itaque hæc dicit Domi-
 nus. Ecce ego suscitabo super te
 malum de domo tua, & tollam
 uxores tuas in oculis tuis, & da-
 bo proximo tuo, & dormiet cum
 vxoribus tuis in oculis solis hui⁹.
 quæ erant peccata Absolonis & alio-
 rum futura.*

III. Bénéficia promissa auertit peccatum.

Hinc etiam oritur ut beneficia quæ Deus destinauerat ; imò promiserat, non sequantur. patet hoc Iosue 7. ubi post peccatum Achani Deus cladem in populum suum immisit & addidit ; non ero vobiscum, & tamen Iosue .1. promiserat. Sicut fui cum Moyse , ita ero tecum. S. Chrysost hom. 80. ad pop. Deus cum aliqua dare bona pollicetur, indignos autem videt esse. Hos, tunc sua revocat promissa. Et hoc contingit etiam propter veniale. nam Deus promiserat Dauidi 2. Reg. 7. Requiem tibi dabo ab omnibus inimicis tuis. & tamen postquam numeravit populum, in quo iuxta D.D. non excessit venialem culpam, etsi millia septuaginta virorum fuerint illi peste subiecta in
Ex *panam*

penam huius peccati, etiam bellas
sunt permiffas.

12. Reliquæ peccati im- manitates.

*Sed si placet intueri statum animæ
Diabolo per peccatum subiectæ, præ
oculis habeamus verba B. Isaia Abb.
Orat. 25. Sicut quando ab hoste
capitur ciuitas, imagines prioris
Regis euertit, leges condit, por-
tas veteres claudit, nouas ap-
rit &c. Sic etiam anima post sus-
ceptum Baptisma (in aqua, vel re-
missionem peccatorum, nam latissimè
sumit nomen baptismatis hic San-
ctus, absolutione sacramentali) à dia-
bolo expugnata, qui eam pro li-
bidine suæ euertit, atq; vastauit;
exturbata veri Regis imagine,
suam erexit, fecitq; ut misera
anima, sæculi istius curis & soli-
citudinibus vacaret. destruit itaq;
hostis.*

hostis per peccatum, in anima gratiam Dei, qua est veri Regis insigne, virtutes infusas, dona Spiritus S. imò i. s. m. Regem verum in patibulum agit. ita enim B. Petrus Damiani serm. 48. fieri ex S. Paulo docet, atq. monet ne fiat. Vide ne rursus tibi metipsi crucifigas Filiū Dei, & hostem tui habeas, rursus fabricans crucem, in qua crucifigatur ille, qui resurgens ex mortuis iam non moritur &c. Cū enim eleuaste, & ambulas collo extento, caput Altissimi spinarum multiplicitate contorques. cū ponis oculos tuos vō non respicias cælum; & voluptuosis carnis tuæ motibus moueris & traheris, durioribus clauis pedes Omnipotentis transuerberas: ab inferiori inferis supplicium dum momentaneā voluptate voluntatem Domini ex-

cludis. Cū uero propearis in iniquitate, felici curia rerum, peccata peccatis cumulans, clauum ponis in illius dextra, quem de suis bonis persequi non desistis. Cū uero abundantiori tristitiā absorberis, & tuam impietatem pietati Dei præponderas, sinistram eius transfigis : & conceptum furorem, furore tuæ desperationis amplificas. Denique cū præsumis defendere quod fecisti, lancearum ictum lateri Saluatoris intorques. *Hoc uero posito subiungo decretum S. Gregorij lib. 2. in 1. Reg. cap. 1.* Rationis lex exigit, ut qui Conditorem persequitur, ueniā defraudetur. cuius prece illud peccatum indulgetur, quod in ipsum Indultorem committitur? Quis pro eo Omnipotentē Patrem obsecrat, qui coæternum vnigenitum in-

mor.

mortem damnat. & lib. 2. inc. 3.
Peccare & de Dei misericordia
præsumere, pelago eius iustitiæ,
est exponi.

C A P V T VI.
G R A V E I V G V M S V P E R
P æ N I T E N T E S.

I. Quia sæpè fit pænitentia
ludicra.

HOc punctum è parabola qua-
piam facilè percipiemus. Fin-
gamus ; Occidit quispiam nefarie &
crudelissimè Regi potentissimo, ac suo
maximo Benefactori, optimum ac di-
lectũ unicè unicumq; Filium. Depre-
catur. Penitet me vehementer huius
facinoris, o Rex optimè : & ut vi-
deas quàm paniteat me vehementer,
in satisfactionem, unam tibi stipulam,
vel paleam offero. O indignitas ! il-
ludis offenso qui taliter satisfacit.
Sed,

Sed, annon etiam nos occidimus Christum Domini? & illum Christum? quid damus? quâ satisfactione dolorem testamur? unius scilicet Orationculæ idq; tepidissimâ prolatione. Dicat rursus ille sicarius. Amo te mi Rex, & summè amo. Vis scire quantum? minùs certè quam hoc lutum hanc bilem à me vomitu reiectam. nam mallet te mori & occidi ab aliquo, quàm ut mihi aliquis tollat hoc lutum: scilicet citiùs peccabo mortaliter; quàm auri, argenti, meiq; voluptatis iacturam patiar, iram & bilem meam deferam: & licet aliter hoc ore tenùs dicam, experire annos ita reipsâ faciam. Nemo mihi tollat meam bilem quam collegi contra inimicum: nemo persuadeat ut petenti propter te condonem: ut ad vetera amicitia iura redeam: & tamen te summè amo. Audite hæc cali & obstupescite vehementer.

2. Sæpe inefficax propositū.

Iam verò ad omnem dolorem qui peccata aboleat, requiritur propositum efficax de cætero non peccandi. Iratus est quispiam alteri, & prope- nit irâ eum prosequi, en prodit se in effectu inefficacẽ propositi: deprecatur alter, hic non cedit; blanditur alter, hic durefcit; satisfactionem ille spondet, hic abnuit. Agit ille per amicos, respuit. Memorat antiqua merita, ecce iste contemnit. At verò proposuit vitare peccatum, nemo ita urget, nemo æquè sollicitat. nemo lucra, nemo vetera merita, damna futura, & parat proponit, sed occasio se minima offert, & ecce ab illo inefficaci proposito abit. magis ego sumus fidi in obsequio damoni cum praemiis gehennæ, quàm in Christi famulatu cum mercede celi! Miserere tui si demon Ch. jro improperabit ut est apud S. C. pr.

*S. Cypr. O Chryste non solum dum peccabant, te mihi postponebant, sed etiam dum reconciliabantur tibi, nolabant attingere mensuram, ut eadem probarent se tibi efficaciter statuisse, quâ mihi probârunt sua proposita. Proponit alter consequi dignitatem, quia efficaciter proponit; patitur repulsam, non cessat: elargitur suas opes in munera ob spem dubiam, comparat amicos, sustinet omnia. en quanta in illo firmum atq; efficax propositum operatur! At hic oppones, naturam esse pronam in malum, & parem naturæ consuetudinem, oppono etiam quod dixit *S. Ioan. Clim. gr. 4. col. 11. Consuetudo plurimum valet, & cuncta ex ea pendent, eamq; sequuntur: omninò longè ampliùs valebit in bonis, cum potentissimum habeat adiutorem Deum, an gratia inferior viribus quæ ad bonum datur?**

3. Pœnitentia debet esse digna.

Non dictum est, facitè fructus, Sed facite fructus dignos pœnitentiæ. Legem scripsit S. Apostolus Rom. 6. Sicut exhibuistis membra vestra servire in munditiæ, ita nunc exhibete membra vestra servire iustitiæ in sanctificationem. & ex his suam sententiam videtur formasse S. Greg. hom. 10. in Euang. Sciendum est quia quisquis illicita nulla commisit, huic iure conceditur ut licitis utatur: sicq; pietatis opera faciat, ut tamen si voluerit, ea quæ sunt mundi non relinquat: at si quis in fornicationis culpam, vel fortassè quod est gravius, in adulterium lapsus est, tanto à illicita debet abscindere, quanto se meminit & illicita perpetrâsse. Certè ille innocentissimus Pœnitens Sanctus

ctus Franciscus, ut de eo S. Bern.
vita cap. 50. Nemora replebat ge-
mitibus, loca spargebat lacry-
mis, pectora manu tundeat &c.
Nec malè, quia ut S. Greg. ad S.
Augustinum Episcopum anglorum
scripsit 10^{to} & 11^{to} cap. 10. Bona-
rum penitentium est, ubi etiam ali-
quomodo culpam agnoscere, v-
bi culpa non est. & S. B. sic docet
in l'fal 29. Non cuilibet animæ
gaudium à Deo ingignitur: sed
ei quæ peccatū suum vehementi
luctu, & assiduâ lamentatione
ploraverit, veluti si seipsum mor-
tuum lugeat, qui sanè fletus po-
stremò in gaudium vertitur.
Idcirco S. Bern. serm. in festo S. S. Pe-
tri & Pauli. Multi pænitienciâ du-
cti sunt sed infructuosâ, quoniam
pænitiencia eorum reprobata est,
sicut & prior culpa. Coniicio cau-
sam dum lego Tertull. lib. de penit.
 Num

Num in coccino & Tyro. (*hoc est in purpura*). pro delictis supplicare deceat. Cedò acum erinibus distinguendis, & puluerem dentibus eliminandis, & bisulcam aliquid ferri vel æris vnguibus repastinandis. Si quid ficti nitoris, liquid coctituboris, in labia aut genas vegeat. præterea exquirito balneas latiores, hortulani maritimiue secessus. adjicito adsumptum. conquirito altitium. enormem saginam, defecant senectutem quamq; vini. Quis interrogarit, cur animæ largaris? Deliqui accito in Deum, & periclitor in æternū perire, itaq; nunc pendeo & maceror, & excrucior ut Deum reconciliem mihi, quem delinquendo læsi! Itaque, &c.

4. Modus penitendi durus.

Sic instituendam docet penitentiam

tiam S. Ambr. scribens ad lapsam
cap. 8. Ergo tu hæc mecum co-
gitans, & mente retractans, pro-
prij facti tui ipsa esto iudex cru-
delior. Inprimis omnis cura vi-
tæ huius interimenda tibi est, &
quali mortuam te existimans, si-
cut es, quomodo possis reuiuifce-
re cogita. Deinde lugubris tibi
accipienda est vestis, & mens ac
membra singula, dignâ castiga-
tione punienda. Amputentur
verines qui per vanam gloriam
occasionē luxuriæ præstiterunt.
Defluant oculi lacrymas, qui
malesculum non simpliciter aspe-
xerunt. Palle scat facies quæ
quondam viriit impudicæ. De-
niq; totum corpus incuriâ ma-
ceretur cinere aspersum, & oper-
tum cilicio pechhorrescat &c. ta-
lem penitentiam ab una delicatula
persona exigit hic sanctus. tum addit.

talis vita, talis actio penitentiæ
si fuerit perseverans, audebit spe-
rare, et si non gloriam, certè pæ-
næ evacuationem. *O mi Deus,*
post tantam penitentiam nondum
promittit gloriam hic S. Doctor. sed
& S. Cyprianus serm. de lapsis. La-
mentari eum putamus toto ex
corde, ieiunijs, fletibus, & plan-
ctibus Dominum deprecari? qui
epulis affluentibus pastus, postri-
die cupiditates suas eructat. Qui
hilaris ac lætus incedit, quomo-
do mortem suam defleat. Ani-
ma in quacunq; hora peccaverit
morte morietur. Si quem de tuis
charis mortalitatis exitu perdi-
disses, ingemisceres dolenter ac
fletes, facie incultâ, veste muta-
tâ, ore delecto indicia mæroris
ostenderes. Animam tuam mi-
ser perdidisti, & non acriter
plangis, non iugiter ingemiseis?

Qualis

Qualia verò bona pro peccatis debeamus prestare docet S. Greg. in 1. Reg. lib. 2. cap. 5. A peccatorum nostrorum tunc obligatione solutur, cum bona quæ pro eorum impendimus absolutione, malis admixta non sunt. 1. Reg. 7. Si in toto corde vestro conuertimini ad Dominum Deum, auferre Deos alienos, liberabit vos de manu Philistijm. Audiant ergo, audiant, qui de manu Philistijm liberari desiderant. Ibid. libro 5. cap. 4. Quid prodest confiteri flagitia, si vocem confessionis non sequitur penitentia? Signum veræ confessionis non est in oris confessione, sed in afflictione penitentiae. Facite dignos fructus penitentiae. Confessionis ornatum non recipit sine fructu afflictionis. Marci 11. Arborem sine fructu maledixit.

s. Quos

5. Quos malè pænitet augent pœnam.

Non leguntur Filij Ieli Patri morienti cbsstisse, non obinigationes risisse: humiliati sunt, sed non verè quid inde secutum? dicat S. Greg. lib. 1. in 2. Reg. cap. 1. Tanta fuit magnitudo culpæ illorum, ut & conuersionis momenta nō haberent, & à mortis suæ fouea nequaquam surgere possent. & qui iræ Dei pelagus biberant, in damnationis suæ cumulum haberent, non solùm pœnam commissi sceleris, sed etiam vindictam contemptæ prædicationis. Monuit S. Ephrem Paranesi 22. Demus operam ut digna pœnitentiæ opera agamus, ne duplicatū in his supplicium inueniamus, tanquam diuinam gratiā aspernantes, & beneficiorum ipsius

non recordantes. quòd scilicet nobis praestet auxilia & tempus ad pœnitendū. *S. Hieron. in epist. ad Rom. cap. 12.* Sicut qui paulatim arcum intendit, tempus dat alteri ut fugiat: qui si fugere nolit tantò fortius sagittâ configitur, quantò maiori tempore arcus intensio fuerat facta. itâ planè Deus quò diutius pœnitentiam dignam expectat, eò seuerius punit.

6. Raros verè pœniter.

Ex altis facile intelligitur illud S. Ambr. dictum libro 2 de pœnit. quamuis & ipse se explicat: sic ibi inquit: Facile inueni qui innocentiam seruauerunt, quàm qui congruè egerint pœnitentiam. An quisquam pœnitentiam putat, vbi acquirendæ ambitio dignitatis, vbi vini affusio, vbi ipsius culpæ coniugalis vsus? Re-

nun-

nunciandum sæculo est, ipsi somno minùs indulgendū quàm natura postulat, interpellandus gemitibus, interrumpendus suspirijs, sequestrandus orationib⁹, viuendum ita vt vitali huic moriamur vsui, seipsum homo abneget, & totus immutetur.

7. Quos pænitet debent vitam emendare.

Et in tantum ista vite mutatio requiritur, vt etiamsi peccata essent dimissa parùm prodesset. S. Bern. serm. 3 in Cant. Si dixerit mihi Iesus dimittuntur tibi peccata tua, nisi ego peccare desiero, quid proderit? Exui tunicam meam, si reinduero eam, quantum profeci? si rursus pedes meos quos laueram coinquinauero, nunquid aliquid lauissè valebit? Sordens omni vitiorum genere diu

iacui in luto fecis, sed erit sine dubio recidenti deterius quàm iacenti. Deniq; qui me sanum fecit, ipsum mihi dixisse recordeor. Ecce sanus factus es, iam amplius noli peccare, ne quid deterius contingat tibi.

8. Post penitentiam peccare est grauius.

Et certè quid deterius contingit, ita enim Tertull. de penit. Non leuiter in Dominum peccat, qui cùm æmulo eius diabolo penitendo renuntiasset, & hoc nomine illum Domino subiecisset, rursus eundem regressu suo erigit, vt denuò malus dæmon recuperatâ prædâ suâ aduersus Dominum gaudeat. Nonne, quod dicere quoque periculosum est, sed ad ædificationē dicendum: diabolum Domino præponit?

Com-

Comparisonem enim videtur egisse, qui utrumq; cognouerit, & consideratè pronuntiasse eum meliorem, cuius se rursus esse maluerit. ita qui per delictorum pænitentiam instituerat Domino satisfacere, diabolo per aliam pænitentiae pænitentiam satisfaciat: eritq; tantò magis perosus Deo, quantò æmulo eius acceptus.

9. Pænitentia ad mortem dilata, dubia.

Iam etiam de illis qui ad mortem pænitentiam differunt, & confidunt se liberalibus testamentis, & assignatione Eleemosynarum consecuturos veniam, audiamus S. Soluianum lib. 1. ad Ecclesiam Qui à malis actibus tantù n morte discedit, non relinquit scelera, sed relinquitur à sceleribus, ac per hoc necessari-

cessitate exclusus à vitijs, & tunc
puto peccat quando peccauerit
(*id est quando cessat peccare quia non
potest*) quia quantum ad animum
necdum desijt, qui adhuc vult
peccare si possit. Non bonis ita-
que spebus innititur, qui ad hoc
tantum peccat in vita, vt pecca-
torum molem redimat in mor-
te : & ideò se euasurum putat,
non quia bonus sed quia diues
sit ; quasi verò Deus non vitam
hominum quærit sed pecuniam,
atque à cunctis malorum redi-
mendorum spe agentibus acci-
pere solos pro criminibus num-
mos velit, & corruptorum more
Iudicum argentum exigat. vt
peccata vendat ? & post pauca,
Quòd si tanta fuerit ægrotorum
incuria, vt valetudinis labem,
id est penitentiam, vltq; ad vltimos
dies trahant, quid dicam nescio :
quid

quid promittam penitens ignoro. Reuocare ab inquisitione vltimi remedij periclitantes, durum & impium : spondere autem aliquid in tam sera cautione, temerarium. *S. Greg. hom. 12. in Euang.* Qui pœnitenti veniam spondit, diem peccanti crastinum, non promisit. ecce hunc ipsum diem in quo loquimur, ad inducias conuersionis accepim⁹. Orate ne fuga vestra fiat hyeme, aut in Sabbato, ac si apertè dicat. Videte nè tunc quærat is peccata vestra fugere, quandò iam non licet ambulare.

10. Peccatorum deliberatè
admissorum diffi-
lis venia.

*Illud verò est admodum terribile,
quod idem S. Pater lib. 4. in Reg. c. 2.
reliquit. Quibus peccata domi-*

nantur, per se ab eorum iugo liberari nequeunt: nam sapè ad Dominũ cum precibus veniunt, sed exaudiri non possunt. diuino siquidem iudicio cum ijs agitur, vt qui noluerunt mala vitare cùm possent, non possent vitare cùm volunt. & qui spontè incurrunt mala præcognita, fugere nõ possint experta. *Idem Pastoralis p. 1.* Hoc à præcipitatione lapsis, per consiliũ pereuntes differunt: quòd cùm à statu iustitiæ peccando concidunt, plerumq; simul & in laqueũ desperationis cadunt. *In quam rem seruit illud Tertull. lib. de penit.* Quidam autem sic opinantur, quasi Deus necesse habeat etiam præstare indignis quod spondit, & liberalitatem eius faciunt seruitium. Quasi necessitate indulget, ergo inuitus facit? quod dici non potest. itaq; in
Ipem

spem penitentia non peccandum.
Exempla suggerit nō acceptata à deo
penitentia S. Scriptura in Esau &
Antiocho, & de hoc quidem 2. Mach. 9.
 Orabat autem hic scelestus Do-
 minum à quo non esset miseri-
 cordiam consecuturus. *de Esau*
verò Heb. 12. Non invenit peni-
 tentiæ locum, quanquam cum
 lacrymis inquitibunde carn.

C A P V T VII.

GRAVE IUGVM SUPER
 OMNES.

I. Quia ad misérias nascimur.

Sanctus Cyprianus lib. 1. de bono
Patient. in proam. Omnes nos
 sumus destinati ad gemitus totâ
 vitâ. *S. Aug. Soliloq. cap. 2.* Vita
 mea vita fragilis, vita caduca, vi-
 ta quæ quantò magis crescit, tan-
 tò magis decrescit : quantò ma-

gis procedit, tantò magis ad
mortem accedit. Vita fallax, &
vmbatica, plena laqueis mortis.
Nunc gaudeo, statim tristor; ;
nunc vigeo, iam infirmor: nunc
vivo, statim morior: nunc felix
appareo, statim miser: nunc ri-
deo, iam fleo. Sicq; omnia mu-
tabilitati subiacent, vt nihil vnâ
horâ in vno statu permaneat.
hinc timor, hinc tremor, hinc
fames, hinc sitis, hinc calor, hinc
frigus, hinc languor, inde dolor
exuberat. Sublequitur his im-
portuna mors, quæ mille modis
miseros homines inopinatè ra-
pit. Hunc necat febribus, illum
opprimit doloribus: hunc con-
sumit fames, illum sitis extin-
guat: hunc suffocat aquis, illum
interimit laqueo. Illum perimit
flammis, alium dentibus bestia-
rum ferocium vorat. Hunc cru-
cidat

cidat ferro, illum veneno corrupit, alterum tantum repentino terrore vitam finire compellit. Et nunc semper omnia magna miseria: quia cum nihil sit certius morte, ignorat tamen homo finem suum. & cum se stare putat, colliditur, & perit spes eius. & hac mala ipsi peccatis nostris cumulamur.

2. Si non affligamur, male agitur nobiscum.

S. Greg. 9. epist. 39. Ego Abel esse non suspicor, qui Cain non habuerit. & *6. epist. 27.* ego fidenter dico, quia minus pie vivis, si minus persecutionem pertuleris. *S. Ambr. in Psal. 118.* Fortassè cum persecutionem non patimur, tanquam condemnati habemur. *S. Chrysest. hom. 29. in epist. ad Hebr.* Si flagellat Deus

omnem filium quem recipit, qui non flagellatur sine dubio non est in numero filiorum. *Idem in Psal. 125.* Quemadmodum semina opus habent imbribus, ita nos lacrymis : & quemadmodum terra opus habet ut areatur & profundatur, ita anima fidelis pro ligone indiget tentationibus & afflictionibus, ne producat malas herbas, ut eius molliatur durities, nè nimium effletur & exiliat. nam terra quoq; nisi diligenter colatur, nihil boni producit. *S. Greg. 23. moral. 15.* Fletus suis ad se pergentibus Dominus, huius mundi iter asperum facit.

3. Omnibus inimicus infidatur.

Bern. serm. 1. de S. Andr. Habet nequissimus ille laqueos, habet
&

& iacula, utpotè callidissimus
venator hominum, solùm sitiens
sanguinem animarum. Alios
telis appetit malitiøsæ cuiuslibet
suggestionis, & in eis vulnerat
multos, quibus tenuis est pacien-
tia: alios voluptatibus irretire
laborat, & in his includit multi-
tudinem copiosam illorum qui
in terra repunt, aut volitant iuxta
eam. *huc commouetur appetitus, qui
velut effrenos equos emittit passio-
nes, his autem misera anima passim
in præceps vehitur ac rapitur. S. Am-
bro. lib. de Isaac & anima cap. 8.*
Mali equi, iracundiâ, concupi-
scentia, timor, iniquitas, inter-
dum ipsi equi inter se dissident,
& se inuicem inpediunt, & viam
salutis nobis difficillimam reddunt.
Hinc S. Aug. lib. 2, contra Iulian.
cap. 10. Sine peccato semper es-
semus, si sanaretur hoc malum.

concupiscentiæ repugnantis legimentis nostræ.

5. Omnes se debent abnegare.

Luca 9. Dicebat autem ad omnes. Si quis vult venire post me, abneget semetipsum. *S. Tho. opusc. 18. de perfect. asserit abnegationem sui ipsius esse de necessitate salutis. & Guilelm. Eslius cap. 8,* Non consilij sunt verba hæc, sed præcepti, omnes enim tenentur velle venire post Christum semetipsos abnegare, crucem suam tollere, ita Christum sequi: in quantum autem hoc non facimus, peccamus.

6. Prædestinatio Dei occulta.

S. Bern. serm. 37. in Cant. Consilium hoc posuit tenebras latibulum suum, & sermo absconditus

ditus à nobis, ita vt nemo sciat,
si dignus sit amore vel odio.
S. Aug. soliloq. cap. 28. Omnes nos
quasi pannus menstruatae, de
massa corrupta & immunda ve-
nientes, maculam immunditiae
nostrae, in frontibus portamus.
Quare mundi esse non possumus
nisi tu Domine mundaueris, qui
solus es mundus. Mundas autem
de nobis Filijs hominum eos in
quibus tibi complacuit habitare,
quos ab inaccessibilibus profun-
dis secretis iudiciorum incom-
prehensibilium sapientiae tuae,
semper iustorum licet occulto-
rum, sine eorum meritis prae-
destinasti ante mundum, vo-
casti de mundo, iustificasti in
mundo, & magnificas eas post
mundum. Non omnibus autem
hoc facis, quod admirantur ta-
bescentes omnes sapientes terrae.

Et ego Domine hoc considerans
expauesco & obstupesco de alti-
tudine diuitiarum sapientiæ &
scientiæ tuæ, ad quam ego non
pertingo, & incomprehensibilia
iudicia iustitiæ tuæ, quoniam ex
eodem luto, alia quidem vasa
facis in honorem, alia verò in
contumeliā sempiternā. Quos
igitur tibi elegisti de multis in
templum sanctum tuum ipsos
mundas, effundens super eos
aquam mundam, quorum no-
mina numerumq; tu nosti, qui
solus numeras multitudinē stel-
larum, & omnibus eis nomina
vocas: qui etiam scripti sunt in
libro vitæ, qui nequaquam peri-
re possunt: quibus omnia coope-
rantur in bonum, etiam ipsa
peccata, (*quia post illa feruentiores
euadunt.*) Cum enim cadunt, non
colliduntur: quia tu supponis
ma-

manum tuam, custodiens omnia
ossa eorum, ut vnum ex eis non
conteratur. Attamen mors pec-
catorum pessima, illorum in-
quam, quos, antequam faceres
cælum & terram, secundum
abyssum multam iudiciorum
tuorum occultorum, semper au-
tem iustorum, præsciisti ad mor-
tem æternam: quorum dinu-
meratio nominum, & merito-
rum prauorum apud te est, qui
numerus arenæ maris dinume-
rasti, & dimensus es profundum
abyssi, quos reliquisti in immun-
ditijs suis, quibus omnia coope-
rantur in malum, & ipsa etiam
oratio vertitur in peccatum, *quia
scilicet cum peccatis peragunt.* ut si
etiam ad cælos usque ascenderint,
& caput eorum nubes tetigerit,
& inter sydera cæli colloca-
buntur nidum suum, quasi sterquil-
linum in fine perdentur.

7. Signa prædestinationis non
in omnibus reperiuntur.

Si vis ad vitam ingredi serua
mandata. Mandata verò omnia col-
ligit in duo, amorem scilicet Dei &
proximi prior in eo consistit ut non
peccemus, & beneficiamus: & de
hoc iam egimus non uno loco supe-
rius, posterior, ut diligamus omnes,
etiam inimicos, idq; purè propter
Deum. qui amor non adeò frequens
est. S. Greg. hom: 38. in Evang. Si
quis quemlibet amat, sed propter
Deum non amat, charitatem
non habet, sed habere se putat.
At quomodo amici & inimici
propter Deum acquirendi sunt?
interrogat S. Chrysost. orat. in Kalend.
& respondet. Si non amicitias il-
las colligamus, unde pecunias
accipere, conuiuia agitare, im-
peria consequi poterimus sed il-
los

los prosequamur, qui mentem nostram moderari, præcipere, honesta, peccantes increpare, delinquentes arguere, supplantatos erigere, consilio ac precibus opem ferre, & ad Deum adducere possunt. *Vnde, si inimicus tibi profit ad salutem, imò prodest, quia saltem tibi mundum amarum reddit, amara illum.* In quam rem facit monitum B. Laur. Justin. de casto conubio cap. 6. Nunquam sine patientiæ exercitio caritas esse solet. & de contemptu mundi cap. 19. Flagelli eruditio cum patientia, indubium prædestinationis agnoscitur esse præsagium. *Siquidem per multas tribulationes oportet intrare in regnum cælorum. Oportet crucem tollere. Sed quid sit ferre crucem? Respondet S. Basil. instit. Mon. cap. 3. Paratum esse ad mortem pro Christo, & mortificare*

vincare membra quæ sunt super
terram, & pro nomine Christi
libenter ferre omne discrimen,
hoc est tollere crucem suam. &
hoc quidem ad dilectionem Dei spe-
rabat.

8. Et si habuerimus signa præ-
destinationis, tumus incer-
ni de Perseuerantia.

Multos in via salutis præcesserunt
Publicani & Meretrices Sed hoc ver-
bis S. Chr. sost. h. m. 40. ad pop. elo-
quamur. Quid Manasse deterius?
Neum tamen propitium habere
potuit. Quid Matthæo deterius?
& constitutus est Apostolus.
Quid Paulo miserius? sed con-
stitutus est, Euangelij præco-
quot tales alias vis videre muta-
tiones & quondam gestas & quo-
tidie occurrentes? S. Greg. in Iob
lib. 25. cap. 7. Occultum iudicium
quod

quod piè fuper nos miteq; difpo-
nunt, quomodo alij perdunt
quod tenere videbantur, & alij
accipi: quod alij ex meritis per-
dunt. ut & qui stare videntur
humano iudicio, non in conſpe-
ctu iudicis ſilent. Quis enim ho-
minum a ſtimare poterit? Iu-
dam viuendi fortem, etiam poſt
miniſterium Apollolatus, amitte-
re: & quis, contra crederetur
latronem cauſam vitam in ipſo ar-
ticulo mortis incertam?

9. In iudicium Dei rigidum.

*S. Chryſoſt. in illa verba Apoſt. ſa-
lutate Priſcam.* In illo die ma-
gno, non ſolum de his quæ nos
peccauimus, ſed & de his ob quæ
in alios ſententiam culimus, o-
mnino iudicabit nos Deus, &
quod ſæpè naturâ leue peccatum
eſt, hoc graue & incondonabile
fit,

fit, dum peccans alium iudicat. Fortè non satis claret quod diximus, igitur clariùs dicemus. Peccauit aliquis & alium idem committentem peccatum condemnauit, is in die illo valdè amaro non illam pœnam luet quam peccati natura exposcit, sed maiorem quàm duplicem, vel triplicem. atqui teste eodem *S. Patre lib. 1. de compunct cordis*. Ab hoc vitio neq; sæculi homines, neq; Monachorū vllum faciliè inuenies liberum.

10. Pauci saluantur.

Quid si attendamus paucitatem saluandorum, quis non percelletur? Esaias lib. 4. cap. 18. qui licet non oraculum sonet diuinum magnam tamen habet auctoritatem, & à non paucis SS. Patrum ad firmanda dicta adducitur. Quomodo interroga-

rogabis terram & dicet tibi, quoniam dabit terram multam magis, vnde fiat fictile, paruum autem puluerem vnde fiat aurum: sic & actus præsentis sæculi. Multi quidem creati sunt, pauci autem saluabuntur. *& cap. 9. Respondi & dixi, olim locutus sum & nunc dico, & postea dicam, quoniā plures sunt qui pereunt, quā qui saluabuntur, sicut multiplicatur fluctus super guttatum.* *Ad priorem locum videtur respexisse S. Macarius hom. 15. Quemadmodum aurum à copiosa arena dilutum inuenitur, suntq; grana exigua instar milij, sic quoq; ex multis pauci sunt probati. Ad posterio-rem S. Aug. serm. 32. de verbis Domini. Arcam video, & grana quæro, & vix videntur grana quando area tritatur: sed venturum est vt ventiletur. Pauci er-*

go qui saluantur in comparatione multorum periturorum. Sed utrumq; confirmabit apud Baron. ad ann. 976. S. Nilus Abbas ubi afferit ex decem millibus, vix vnum saluari, & hanc fuisse doctrinam SS. Basilij, Chrysostomi, Ephrem, Theodori studita, imò & Apostoli ipsius, nec non S. Euangelij. Quia sicut nunc misericordia Dei ultramodum apparet, ita se ostendet seueritas in iudicio. S. Bern. in epiph. serm. 1. Sicut benignitas, in Natiuitate Christi apparuit ultra omnem spem, ultra omnem æstimationem: Similem expectare possumus iudicij districtiorem. & Dom. 1. post Octau. Epiph. serm. 1. Veniet non expectantibus tanquam reuertens à nuptijs, tanquam potens crapulatus à vino, verè ebrius & immemor miserationū suarum. tunc enim quan-


tum ad illos obliuiscetur misere-
ri Deus, veniet in ira & indigna-
tione tanquam furibundus. & de
verbis, vidi Dominum *serm. 2.* Non
discernet inter glebas, qui di-
scereuit inter stellas? examinabit
certè argentum, qui ipsum quo-
que aurum probauit, & repro-
bavit. & de hac re omnes prae-
moniti videmur, cum nobis dictum.
Nisi abundauerit iustitia vestra
plusquam scribarum & Phariseo-
rum, non intrabitis in Regnum
celorum. Atque ita paucos saluari
suo illo tempore SS. Patres credebant
quos S. Nilus adduxit, quando in-
ter Christianos maxima feruebat san-
ctimonia, quotus demum his corru-
ptissimis temporibus euadat gehen-
nam? Ausus est illis saeculis Tertul-
lianus Scapula viro Gentili, ita Chri-
stianorum producere sanctitatem.
Nos, quos sacrilegos existimatis,

ne in furto vnquam deprehendiſtis , nedum in ſacrilegio : aliunde ſumus noſcibiles, quàm de emendatione vitiorum priſtinorum , in quibus iacebamus quando eramus Ethnici. quis hoc noſtro ſæculo poſſit Iudæis aut Hereticis obijcere ? Quod aliud negotium, id eſt crimen, Chriſtianus, niſi ſuæ ſectæ ? quem incaſtum , quem crudelem tanto tempore nemo probauit. Pro tanta innocentia, pro tanta probitate, pro iuſtitia , pro pudicitia, pro fide, pro Deo viuo, cremamur. & Apologet. c. 39. ita Ethnicos alloquitur. Dilectionis operatio notam nobis meruit penes quosdam, vide inquit, quàm ſe diligunt, & pro alterutro mori ſint parati. & rurſus. Non priùs apud Chriſtianos diſcumbitur quàm Oratio ad Deum præguſtetur ; edicatur quantum eſu-

esurientes capiunt; bibitur quantum pudicis est utile; ita saturantur ut qui meminerint, etiam per noctem adorandum sibi Deum; ita fabulantur ut quæ sciuerunt Deum audire &c. *At nos S. Bernardus si videret fortè in illa erumperet, in qua suo prorupit auro.* Non est nisi amor turpis in hoc sæculo, neq; fides secura, quia omnia quæ eius sunt contaminantur superbiâ, avaritiâ, cupiditate, & luxuriâ. Recessit enim lex à Sacerdotibus, iustitia à Principibus, consilium à Senioribus, Religio à Clericis, reuerentia à subditis, amor castitatis à virginibus, pudicitia à coniugatis. *Neq; hæc de Gentilibus dixit: ut illa blandientium sibi explicatio suffocetur. paucos scilicet saluari, quia licet Christiani plurimi euadant, multò tamen plures Gentilium pereant.*

G 2 certè

In quo vis reverentiam Angelo tuo habere,
non audeas illo praesente, quod me vidente non
auderes. *S. Ber: Reuerentia Angeli Custodis,*
Pro serenissimo Rege. h. c. f. 170



certè & S. Bernardus de Christianis
dixit. & Saluianus lib. 3. de gubern.
Quid aliud cunctoꝝ negotian-
tium vita, quàm periurium? &
quod aliud Curialium, quàm ini-
quitas? quid aliud officialium,
quàm calumnia? quid aliud mi-
litantium, quàm rapina? De
Christiano nobis nomine blan-
dimur, cùm utiq; hoc ipso magis
per nomen Sacratissimum rei si-
mus, qui à sancto nomine discre-
pamus. Nam & idèd plus sub
Religionis titulo Deum ludi-
mus, quia positi in religione
Christiana peccamus.

II. Demum sequitur æter- nitas.

*Iam finita omnia, transijt mundus
transijt vite nostra via: aternos
annos qui nos manent aut semper
felices, aut semper maledictos ex-
pen-*

pendamus. Nam hîc tandem omnibus consistendum : & ubi constiterimus , ibi semper erimus. erimus semper. Quid nam hoc semper ? tamdiu , quamdiu Deus erit Deus. & hoc pro vno mortali crimine ! & in omni suppliciorû genere ! in omni ! Eheu miseri in perpetuû miseri ! sine fine miseri ! Mille, & mille, & mille transeunt anni, de supplicijs, de sensu doloris decessit nihil. O æternitas ! Cogito mille annos, cogito mille milles annos, tot annorum milliones cogito, quot arenula in vniuersa terra, gutta in mari, quot puncta in firmamento inscribi possunt , nihil cogitavi. finiti ad infinitum nulla proportio. O æternitas ! o æternitas ! Quis par est ferendis æternis ignibus ? Fumus tormentorum eorum ascendet in sæcula sæculorum. Quis est hic qui dicet ? quid hoc ? in sæcula sæculorum ?

Quamdiu Deus existet, quamdiu anima immortalis uiuet. O finis sine fine ! o mors omni morte grauior. semper pati tantos cruciatus qui necare possint, nec mori posse. Praclusa omnis via, omnis spes si in orcum decidisti. Apoc. 9. In diebus illis quaerent homines mortem, & non inuenient eam : desiderabunt mori & mors fugiet ab eis. Quia ut S. Greg. 4. Moral. 44. Iustum est ut qui in suo aeterno peccauit contra Deum, in Dei aeterno puniatur. & 5. Moral. Cuius vita mortua fuit in culpa, eius mors semper uiuit in pæna. cruciatur & non extinguitur. moritur & uiuit. deficit & subsistit. finit semper & fine caret. Aeternitas, est duratio semper præsens, & stabilis immutabilitas successione carens. Est unū perpetuū hodie. Est auium a uortū quod non interit, sed eodem modo

Sem-

super omnes.

151

semper se habet. Est status cuius totum est esse simul. Est axis immobilis, circa quem voluitur rota huius temporis. est circulus cuius centrum ubiq, circumferentia nusquam. Hic ergo mihi si peccavi, & non egi condignam penitentiam, in penis decurrendus: Si egi bene, in gaudio tenendus. in hoc axe consistendum, & vel in letitia inenarrabili, vel in tormentis quæ intellectus non capit. Quamdiu? semper. Quando finietur? Nunquam. Ignibus uretur miser, & semper tolerabit; & semper futura tormenta metuet, & finem nunquam sperabit. O vitam mortiferam! O mortem immortalem. Isai 66. Vermis eorum non morietur & ignis non exstinguetur. S. Aug. lib. de spiritu & littera cap. 56. cit. à Granat. in Duce pecc. Peccata deteguntur, rei puniuntur, & hoc totum perennè: quisquis enim

ad tormenta ibit ampliùs non
 exibat, dolor combustionis eos
 foris cruciabit, pœna cæcitatís in-
 tûs obscurabit. *Quid ageres nunc
 pro salute tua Iuda Iscarioth, si tot
 annorum tibi daretur spatium ad pa-
 nitendum, quot tu o peccator annis
 peccas? Vereor nê tibi occinat ex
 Isai 14. Infernus subter te contur-
 batus est, in occursum aduentûs
 tui suscitabit tibi Gygantes.
 Omnes Principes terræ, illius sci-
 licet maledictæ, surrexerunt de so-
 lijs suis: omnes Principes Na-
 tionum. vniuersi respondebunt
 & dicent tibi. Et tu vulneratus
 es, sicut & nos, nostri similis effe-
 ctus es. detracta est ad inferos su-
 perbia tua, concidit cadauer
 tuum. subter te sternetur cinis,
 & operimentum tuum erunt ver-
 mes. Et tu Cain qui antiquissimus es
 in supplicijs, quotam æternitatis par-
 tem*

tem absoluisſi? Nullam, nullam nul-
la hic prima, nulla ultima, infinita
eſt. lamextarius illis verbis lob 16.
Collegit furorem ſuum in me,
& comminans mihi infremuit
contra me, hoſtis meus, terribi-
libus oculis intuitus eſt: aperne-
runt ſuper me ora ſua, & expro-
brantes percufferunt maxillam
meam, ſatiati ſunt panis meis.
Concluſit me Deus apud Ini-
quum, & manibus impiorum
tradidit me. Ego ille quondam
opulentus repente contrit' ſum,
tenuit cervice meam, confre-
git me, poſuit me quaſi in ſignū,
circum dedit me lanceis ſuis, con-
vulneravit lumbos meos, non
pepercit & effudit viscera mea:
concidit me vulnere ſuper vul-
nus, irruit in me quaſi gygas.
Et tu formoſe Abſolon, & tu Conſul-
tiſſime Achitophel, & tu voluptuoſe
Epulo

Epulo quando finietis vestra supplicia? Iob 19. eiulat quisq; vestrum. Destruxit me vndiq; & pereo, & quasi euulsæ arbori abstulit spem meam. iratus est contra me furor meus, & sic me Deus habuit quasi hostem suum. Simul venerunt latrones eius, demones, & viam sibi fecerunt per me, & obfederunt in gyro tabernaculum meum. Fratres meos longè fecit à me, & noti mei quasi alieni recesserunt à me, dereliquerunt me propinqui mei, & qui nouerant me oblitici sunt mei. Sed iam oculos leuemus in celum: audiamus quid inde ad nos veniat. Nec oculus vidit, nec auris audiuit, nec in cor hominis ascendit, quæ Deus præparauit diligentibus se. Sed quid si oranti pro nobis alicui sancto ibidem dicitur. Ierem. 10. Tu ergo noli orare pro populo hoc, & ne

assumas pro eis laudem & orationem, quia non exaudiam in tempore clamoris eorum ad me, in tempore afflictionis eorum. Quid est quodd dilectus meus in domo mea facit scelera multa? & cap. 14. Noli orare pro populo isto in bonum, cum ieiunauerint non exaudiam preces eorum, & si obtulerint holocausta non suscipiam ea: & c. 15. Hæc dicit Dominus qui ad mortem, ad mortem: & qui ad gladium, ad gladium: & qui ad famem, ad famem: & qui ad captiuitatem, ad captiuitatem. *Misericordiam, Misericordiam Domine. Verum conuertamur quam primum ad Dominum nostrum. Scindamus corda nostra in fletu & planctu, induamur sacco & cilicio: emendemus in melius quæ male egimus multa est misericordia Dominus, sed non differa-*

156 *Graue Iugum super omnes.*
feramus. Apoc. 10. Et Angelus
quem vidi stantem super mare
& terram, leuauit manum suam
ad cælum, & iurauit per Viven-
tem in sæcula sæculorū qui crea-
uit cælum & ea quæ in eo sunt, &
terram, & ea quæ in ea sunt.

Quia tempus non e-
rit amplius.

AD MAIOREM DEI GLORIAM.
ET SANCTISSIMÆ EIVS MATRIS
SINE MACULA CONCEPTÆ.

S. Ephrem serm. de vita ac morte
vniuscuiusq̃.

Et ista omnia nouimus ac scimus: quodq̃;
gravius est, spontè interim peccamus: &
propterea nullam à Deo veniam consequi-
mur, quia non ex ignorantia sed scientes er-
ramus. Scripturas quidem Sacras audimus
& collaudamus, sed quæ dicuntur non faci-
mus. Quare hortor & obsecro vt non so-
lum auditores simus, sed & factores.

F I N I S.



22

Handwritten text at the top, possibly a title or address, including the word "Museum".

13. Lk.



Handwritten text on the right side, possibly a date or a reference number, including the word "Juli".

113 Intere. IX^a Kan-
niba Zalinowski circa
Decem^a

J. P. Luthowski kupił
dat. Wrsław. Fortois. p. 11
Grusiat Wrocławski Wagn
tunt go flo. 1 q. 12
Kopulioris ref. No 21 Deco
dwadzieśc. 4 u. 1/2
summa flo. 30

05

17

01

02

34

11

111

8014

